

LA CARTA DEL APÓSTOL SAN PABLO A LOS ROMANOS

Pablo escribe a la iglesia en Roma

¹ Nugö dûr Pablo, dí pεjpi car Jesucristo. Car Tzi Ta jitzi xí hñixquigö gá jmandadero, xí juanquigö pa gu xij y✉ cjahni n✉r ddadyo jñä n✉ rí hñeh ca Ocja, gue n✉ i xijquij✉ ja i ncja da ttajquij✉ car nzajqui ca jin da tjegue.

² Ya má yabb✉, ya xi mí man car Tzi Ta jitzi di ddajquij✉ hnar ddadyo hñ✉ pa gu tötij✉ car nzajqui-ca. Car tiempo ca xí tjogui, car Tzi Ta jitzi bi xih c✉ profeta c✉ mí pεjpi, ja di ncja car ddadyo hñ✉ ca di ddajquij✉, cja nuc✉ bi jñ✉x p✉ jar Escritura.

³ N✉r ddadyo jñä n✉ xpá menquij✉ ca Ocja i xijquij✉ digue cár Tt✉, gue cam Tzi Jmu✉ Jesucristo. Guegue bi cja ur cjahni, bi hm✉y digue cár cji ca ndor rey David.

⁴ Múr cjahni car Jesucristo, pe guejtjo mür Tt✉ ca Ocja. Dí pdij✉, ur Tt✉ ca Ocja guegue, porque bb✉ ya xquí du, car Tzi Ta jitzi bi cjajpi bi jñä ur já. Bb✉ mí nantzi car Jesús, nubb✉, bi nigui te tza rá nzeh car Tzi Ta jitzi.

⁵ Bi nzojquigö car Jesucristo, um Tzi Jmu✉, bi ddajqui n✉r bbefi rá zö n✉ dí øte. Bi hñixquigö gá jmandadero pa gu xij y✉ cjahni y✉ i bb✉ göhtjo tema jøy digue n✉r mundo. Dí xijm✉ to guegue cja co te rá nguehcä bú eje, snta da dyødej✉ cja da hñeme rá ng✉ cjahni.

6 Hnēhquigueju, guí hermanoju gár bbüpjou jar ciudad pu Roma, xí nzohquiju cam Tzi Taju jitzi. Como xcú hñemeju car Jesucristo, ca Ocja xí cjahqui í bajtziquipu.

7 Nuqueju guí hermanoju gár bbüpjou pu Roma, dí penquiju nar carta-na göhtjo cu to xí hñeme car Jesucristo. Car Tzi Ta jitzi i mahquiju, xí nzoh quir tzi mayju, cja xí nguzquiju ca rá nttzo ca nguí tuju. Cam Tzi Taju jitzi cja co cam Tzi Jmuju Jesucristo da möxquiju co cár tzi nttijqui pa gui hmüpjou rá zö.

Pablo quiere visitar Roma

8 Bbeto dí ne gu xihquiju nár palabra-na. Dí ndo öjpi mpójce cam Tzi Taju jitzi por rá nguehqueju, como xcú hñemeju cam Tzi Jmuju Jesucristo. Ya xí dyøh cu cjahni cu rá bbuy göhtjo tema parte nár mundo, nuqueju, xcú hñemeju nár tzi ddadyo jñá nu dí ma.

9 Dí pejpi ca Ocja göhtjo mbo um tzi may, dí xih cu cjahni nár ddadyo jñá nu i ma ja i ncja cár Tzi Ttu ca Ocja. Bbu dí nzojcò ca Ocja, dí mbënquiju, dí mahti car Tzi Ta jitzi por rá nguehqueju. Guegue i padí, cierto nu dí xihquiju hua.

10 Ya xí cja tiempo xtú mbeni gu ma zenguaquiju tzu. Dí öjpi cam Tzi Taju jitzi da möxqui pa da jogui gu ma pu.

11 Como dí ndo ne gu ccajtiquiju, pa gu föxquiju gui zediju ca guír tñeju car Jesucristo.

12 Cja jin gui jøña-cau. Dí göhtjoju gu mföxijsu pa más gu emeju guegue. Bbu xtí ccajtiguiju, ja ncja dar emegö, xquí zediju bbu. Cja hnëquigö, bbu xtá ccajtiquiju guir zejmu, más gu zecö bbu hnejeu.

13 *um cjuadąquiju, dí negö gui padiju, ya xná ngu vez xtú mbeni gua ma ccajtiquiju, pe hasta guejya, jin gui tzö ja grá ma. Dí ne gu nzoh cu pé dda cjahni pu jabu gár bbapju, gu xijmu nar tzi ddadyo jña digue car Jesucristo, santa da hñemeju hneje, como ngu gua hñeme cu pé dda cjahni pu jabu xtú hño.*

14 Porque ca Ocja xí ddajqui num cargo gu nzoho göhtjo cu cjahni, gu xijmu nar ddadyo jña. Gu nzoh cu cjahni cu i bbu ja ciudad, cja co hneh cu cjahni cu rá bbuy yapu cja i ñaju hnahno jña. Guejto gu nzoh cu cjahni cu xí nxödi rá ngu cja co hneh cu jin tza te i padi.

15 Eso, dí ndo pehtzi deseо pa gu ma pu Roma, pu jabu guí bbapju, ma grí xij nar evangelio cu pé dda mingu pu hneje.

El poder del evangelio

16 Jin dí pehtzi um tzö grá xij yu cjahni nar evangelio, porque dí padi, i yojmi cár ttzedi ca Ocja pa da nzoh quí tzí may yu cjahni. Göhtjo cu to da hñeme, ca Ocja da guhtzibi ca rá nttzo ca i tuju. Parejo da nu göhtjo cu to da hñeme, cu judio, cja co guejti cu cjahni cu jin gui judio. Bbu mbu ecua jar jöy car Jesucristo, guegue mur judio, eso i esta bbeto da ttzoh cu judio, da tsijmu nar tzi ddadyo jña na dá ja.

17 Nar tzi ddadyo jña digue car Jesucristo i xijquiju ja ncja ga nguzquiju ca Ocja ca rá nttzo ca dí tuju. I esta gu emeju göhtjo mbo um mayju, ca Ocja da dyøte ncja ngu ga maq. Bbu gu emeju ncjapu, ca Ocja da nuguiju ncjahmu jin te gri tuju. Göhtjo ur vida i esta gu emeju, guegue da dyøte ncja ngu xcá maq. Guehcaq i mam pu jar Escritura,

inā: “Car cjahni ca i emē ca Ocja, göhtjo mbo ár māy, guegue-cā i ccāhti ncjahmā jin te di tu, cja guejtjo i un car nzajqui ca jin da tjegue.”

La culpa de la humanidad

18 Car Tzi Ta ca bí bbā jitzi xí xijquijā da ndo castiga cā cjahni cā jin gui tzujā guegue cja i ḥtijā ca jin gui tzö. I pādijā ja i ncja ca rá zō cja co ja i ncja ca jin gui tzö, pe i segue i ḥtijā ca rá nttzo, ncjahmā jin di emejā, ¿cja i bbāh ca Ocja? o ncjahmā jin di pādijā ¿cja cierto da jñānquijā ár huenda guegue?

19 Ca Ocja jin gui nu rá zō cā cjahni cā i ḥtijā ncjapā. Ya xqui pādijā i bbā guegue, pe jin gui cjajpijā ncaso. Guejtjo ya xqui tzi pādijā ja i ncja ca Ocja. Por digue yā dí ccāhtijā hua jar jöy cja co nu jitzi, dí pādijā, cierto, i bbāh ca hnaa ca xí dyōte göhtjo-yā. Guejtsje car Tzi Ta jitzi i cjaguijā dí mbēnijā mbo um māyjā, cierto i bbā guegue.

20 Desde bbā mí ttōti nār mundo, xí nigui, cierto i bbāh ca Ocja, guegue i mandado göhtjo ár tiempo, cja más rá ndo zō quí mfēni ni ndra ngue cām mfēnijā. Bbā dí ccāhtijā göhtjo yā xí dyōti ca Ocja, dí pādijā ja i ncja cár ttzēdi, masque jin dí ccāhtijā guegue. Hasta guejti yā cjahni yā jí bbe i tsjih cár palabra ca Ocja, jin gui tzö da majmā: “Nim pa xtá pādije, ¿cja i bbāh ca Ocja?”

21 Macja i pādijā, gue ca Ocja xí dyōte göhtjo yā dí ccāhtijā, pe jin gui ungui í māyjā da hñihtzibijā o da dyōjpījā mpōjcje por rá ngue yā cosa rá zō yā i bbājcua jar mundo. Lugar digue da mbēn ca Ocja, i dabēnitjo, i mbēni mfēni cā jin te i ntjumāy, cja i cjajā dondo. Como jin gui ne da guatijā ca

Ocja, pa di yoti cár tzi jiahtzi mbo í muyju, más rí wembitjoju, rí hmujtiju pu jabu rá hmexuy.

²² Guegueju i majmuu, ya xqui ndo padiju rá zö, cu jin gui nesta da jioniju ca Ocja. Eso, más i cuaju dondo.

²³ Masque ya xqui padiju i bbuh ca Ocja, rá ndo zö quí mfueni-cá, cuja i mandado göhtjo ur tiempo, pe jin gui ne da guatiju. Xí jiejmu guegue, xí ungu í muyju da hñihtzibiju hnahnó cuzá cu jin gui hñuni. Nucu, xí ttøte pa da jñejmi hnar cuahni o hnar ttzuntzuu, o hnar zuwu ca i dyo jar jöy, i pehtzi yojo quí hua, yojo quí dye, o xí ttøte ncja hnar cciña.

²⁴ Yu cuahni, como ya xí jiejmu ca Ocja ca ntjumuy i bbuy, guejti ca Ocja xí jiej-yu. Eso, xí hñuemindo yu cuahni da dyøte göhtjo tema cosa ca i mbuentsjeju, hasta i mföxihi quí hñohui da dyøtihui hmuetzö.

²⁵ Masque ya xí mbudiju, i bbuh ca Ocja, cuja guegue-cu xí dyøjquiju cuja xí ddajqui um nzajquiju, pe jí xcá ne xcá jioniju guegue. Mejor, xí nguatiu yu dda cosa yu i bbujcua jar jöy, xí hñihtzibiju ncjahmu Ocja-yu. I ihtzibiju yu cosa yu xí dyøti ca Ocja, pe jin gui ne da hñihtzibiju ca Ocja, cuja nuuca xí dyøte göhtjo yu i bbuy. Rí ntzöhui gu xöjtibiju cuja gu ihtzibiju göhtjo ur tiempo. Amén.

²⁶ Eso, ca Ocja xí jiej yu cuahni da dyøte göhtjo cu nttzomfueni cu i mbuentsjeju. Ncjahmu xí dyembi í muyju pa da dyøti cosa cu jí rí ntzöhui da ttøte. I bbe í tzøju. I bbuh cu dda bbejñu cu jin gui ne da yojmi quí duameju. Más i tzøjø da hmuabi hnár mingu-bbejñuhui, da intjo ncjahmu dur hñøjø.

²⁷ Cuja co guejti cu hñøjø, i ncjadinau car hmuetzö ca i øtiju. I bbuh cu ddaa cu jin gui ne da hmuabi

quí bbejñaju, ncja ngu xcá ddajquiju ca Ocja. Como ya xí ttzon quí mfeniju, i tzøjø da yojmi hnár minga-hñøjøhui ncjahmu dur bbejñu. Guehcu jin gui ne da hñihtzibi ca Ocjac c cjahni-cu, ncjahmu xí bbeh quí mayju. Ya jin te i tzujteju. Ca Ocja xí jiej-yu pa xcá bbes í tzöju. Ncjapu xí uniju car castigo ca rí ntzöju.

28 Como ya jí xcá ne yu cjahni di mbeniju ca Ocja, ca Ocja xí jiej-yu pa da cjatsje göhtjo cu nttzomfeni cu i mbeniju. Ncjahmu ya xí ttzon quí mfeniju. Ya jin gui padiju ¿cja rá nttzo ca i øtiju? ¿cja huá ja i ncja ca rá zö?

29 Eso, i øtiju nduntji cosa cu jin gui tzö. I øhtibiju quí hñohui ca rá nttzo, cja i uhu*i*. I ndo ne da jña, pa da ndo ngujqui ca i pehtzi. I huihtzihui cár minga-cjahnihui, cja i jombi tujni. I huuenihui. I pöhtite. I øti ntjöti. Rá zohmite. I joxi cosa rá nttzo cár hñohui. I tzajte. I xohtzibi bbetjri cár hñohui.

30 I ñajquibi ca rá nttzo. I uhu*i* ca Ocja. I bbetibi úr tzö cár minga-cjahnihui. I hñixtsje ga mbeni mbo úr may, cja i hñixtjo ga ña. Tzi ratotjo i øti cosa rá nttzo. Jin gui ne da dyojti cár ta co cár me.

31 Jin gui ne da ntiende ja i ncja ca rá zö, co ja i ncja ca jin gui tzö. Jin gui cumpli ca i maq. Jin gui mah quí minga-cjahniju, cja jin gui perdonabi car cjahni ca te i øhtibi. úr hñattijqui.

32 Cu cjahni cu i ncjaju pu, ya xqui padiju, i ndujpitezu. Guejtjo i padiju, xí man ca Ocja, c c to i øte ncjapu, rí ntzöhui da ma pu jabu jin gui tzö, da bbediju pu. Pe masque ya xqui padiju-ca, i segue i øtiju ca rá nttzo, hasta i ndo mpöjmu bbu i ccahtiju cu pé dda cjahni cu i øti ca rá nttzo hneje.

Dios juzga conforma a la verdad

2

¹ Ca to da dyøde te i mä nñar carta-nä, dí nzofo hneje. Dí xifi: Hnëhquigüe hneje guí ndujpíte, masque guí mängüe, jin guí øti cosa ncjá yü xtú juxcua. Jin gui importa toquigüe. Ndejmä guí ndujpíte hneje. Bbü guí tzohmi guer hñohui ca i øti ca rá nttzo, ncjahmä guí ntzohmitsjé hneje, como guí øte ncjadipü.

² Ya xtí padijü, car Tzi Ta jitzi jin gui consenti cü i øti ca rá nttzo. Como guegue i øjtiguijü jujticia, i castiga cü cjahni cü i ndujpíte.

³ Nuquigüe, guí tzohmi cü to i øti cü cosa-cü, cja hne guí øte ncjapü hneje. ¿Cja guí mbengüe, da ncastiga cü pé ddaa, pe nuquigüe, xqui huete?

⁴ Ciento, rá ndo ngü cár ttijqui ca Ocja. I tzejtitjo ca dí øhtibijü. Jim be ga dyøhtibitjo ür huënda nñar cjahni nü i ndujpíte. Cja nuque, jí bbe i ddahqui cuenta te rá nguehcä i tøpíqui ca Ocja. I tøpíqui pa gui ntzohmi, gui jieh ca rá nttzo cja gui jioni guegue-ca.

⁵ Nuquigüe, jin guí gradecebi cár ttijqui ca Ocja. Ncjahmä xcú dyembi ir mäy gui dyøti ca rá nttzo. Eso, más drí jñúx car castigo ca da ttahqui car pa bbü xtú eh ca Ocja pa da jñanquijü ür huënda. Car pa-ca, göhtjo yü cjahni da ccähtijü, rá zö ga dyøti jujticia ca Ocja.

⁶ Como guegue da cohtzibi yü cjahni cada hnaa segün ca xtrú dyøte bbü mír hmüjcua jar jöy.

⁷ Cü cjahni cü mí jon ca Ocja cja mí ne di döti car nzajqui ca jin da tjegue, ca Ocja da un car nzajqui-ca. Cü cjahni-cü, bbü mí bbüjcua jar jöy, mí

ungui ár muyju di dyotiju ca rá zö, como mí joniju
ja drí hmupjuu pa di tzopjuu ca Ocja, xajmu di jogui
di zotiju pu jitzi.

8 Nu cu pe dda cjahni cu mí ntoxtihui ca Ocja cja
jí mí ne di dyoj nar palabra na ncjuani, ca Ocja da
uniju hnar castigo drá nttzo, tiene que da bbediju.
Ncjapu drí ncastiga cu cjahni cu mí ten ca rá nttzo
bbu mír hmujcua jar mundo.

9 Eso, cu to xí dyoti ca rá nttzo da ndo sufriju
cja da zöjuu ca rá u, da ndo dumuyju. Jin te i cja,
masque di judio o di hnahño cjahni, göhtjo da ttun
cár castigojuu.

10 Pe göhtjo cu xí ndeniju ca rá zö, da zom pu jabu
bí bbuh ca Ocja, da ttun cár tjaja, cja da hmuy rá zö,
tanto cu judio, como cu cjahni cu jin gui judio.

11 Como ca Ocja da dyohtibi jujticia göhtjo cu
cjahni, masque di judio o di hnahño cjahni, cu jin
gui judio.

12 Göhtjo cu cjahni cu xí dyoti ca rá nttzo, ca Ocja
da un cár castigo, da guh pu jabu da bbedi. Cu
cjahni cu jí xcá mbudi ja ncja ga man car ley ca
bi zoguiguiju car Moisés, cja xtrú dyoti ca rá nttzo,
ndejmu da cjuh pu jabu da bbedi. Guejti cu judio
cu xí mbudi te i man car ley, pe jí xcá dyoti ca i
mau, guegue-cu da ttembi cár castigojuu como ngu ga
mam pu jar ley, da cjuh pu jabu da bbediju hneje.

13 Car cjahni ca i puadi te i man car ley ca xí
ttzoquibi cu judio, pe jin gui øte, ca Ocja da xifi i
ndujpite, cja da un cár castigo. Jøñu cu cjahni cu i
øtiju ncja ngu ga man car ley, ca Ocja da xih-cu, jin
te i tuju.

14 Nu cu cjahni cu jin gui judio, jí xcá mbudiju te

i man car ley ca bi zoguiju car Moisés. Cu ddaa-cu, xí mbentsjeju ja i ncja ca rá zö, cja xí dyøtiju-ca. Cu cosa rá zö cu xí mbentsjeju, i jñejmi cu rá zö cu i mam pu jar ley. Ncjahm u xí sirvebiju gá ley qui mfeni cu xí mbentsjeju.

¹⁵ Ncjap u cu cjahni cu jí xcá mbađiju te i man car ley ca i ten yu judio, i mbentsjeju ja i ncja ca rá zö, cja co ja i ncja ca jin gui tzö. I pøni ncjahm u di pehtziju hnar ley ca i teniju hneje, masque jin jab u i jutzi. Gue qui mfenitsjeju i jampi úr huenda cu cjahni-cu, como i ntzohmitsjeju mbo úr møyju, ¿Cja xí dyøti ca rá zö, cja huá rá nttzo ca xí dyøte?

¹⁶ Nu ca Ocja i padi göhtjo, hasta cu mfeni dí mbeníju mbo um møyju. Bbu xta jñanquiju úr huenda, xta juzga göhtjo ca xí dyøti yu cjahni cja co ca xí mbení mbo í møyju, cja da uni cada hnáa car castigo drí ntzöhui. Gue nar tzi ddadyo jña dí xij yu cjahni: Car Tzi Ta jitzi xí wejqui hnar pá, pa da jñampi úr huenda yu cjahni, göhtjo yu i bbujcua jar jöy. Guegue car Jesucristo da cja úr nzöya, da xij yu cjahni to cu i ndujpite, cja co to cu jin gui ndujpite.

Los judíos y la ley de Moisés

¹⁷ Nuquigue, guí ccathi nar carta-na, bbu gür judio, nubb u, guí ten car ley ca bi zoguiguju car Moisés. Pe ntoja guí hñixtsje hneje, guí ina, nuquigue da ttahqui car nzajqui ca jin da tjegue. Guí mangue, úr bajtzi qui ca Ocja.

¹⁸ Guí padi ter bëh cä i tzöh ca Ocja, cja guí padi gui juajni ca rá zö, como gue car ley i xihqui ja i ncja-ca.

¹⁹ Ncjahm u guí padi gui cjati car godö da dënqui. Guejtjo guí intzibi hnar tzibi cu to i dyo jar bbexuy.

20 Guejtjo hn̄e guí māngue, guí pādi gui ujti ȳa cjahni ȳa jin te i pādi. Guehque guí xōjpi ȳa jin te bbe i nxödi. Como guí pēhtzi car ley, guí inā, ya xquí pādi göhtjo ca ncjuāni.

21 Guí ujti ȳa pé ddáa ja ncja da dyøti ca rá zö. ¿Dyocā jin guí nxöjtsje guí dyøtigue ca rá zö, bbu? Guí māngue, jin to da mpē. ¿Dyocā guí mpegue, bbu?

22 Guí māngue, jí rí ntzöhui da yohti bbejñā hnar hñøjø, o da yohti dāmē hnar bbejñā. Xique, ¿dyocā guí øte ncjapu, bbu? Guí ttzo cū cjāq cū i ttjhtzibi ncjahmu Ocja, pe jin gui ntjumuy. ¿Dyocā guí cāti pū mbo cū nícjā pū jabu i bbuh cū cjāq cū jin te i ntjumuy, guí mpē pū?

23 Guí hñixtsje ca guír pādi te i mān car ley. ¿Dyocā jin guí øte ncja ngū ga mām bbu? ¿Dyocā guí bbetibi úr tzö ca Ocja?

24 Nuquéju, guí judioju, guí pēhtziju car ley pe jin guí teniju, eso, xí nzuj nār palabra nā i jux pū jar Escritura: “Cū hnahnó cjahni cū jin gui judio cja jin gui pēhtziju cár ley ca Ocja, i ccajti qui quir vidaju, cja i majmu, jin gui tzö ca Ocja ca guí teniju.”

25 Ciento, xí ncuajtiqui ca hnar seña ca i ttøhtibi göhtjo cū hñøjø cū judio, pa gui mbeni, nuque, gúr judio, xcú dyøthui acuerdo ca Ocja. Pe bbu jin guí ten car ley, guí jñejmi cū cjahni cū jin gui judio. Jin te i muhui ca xcá ncuajtiqui quer seña pa gui mbeni, úr mejti qui ca Ocja.

26 Guejti car hñøjø ca jin gui cuati car seña ca i ncuajtibi cū judio, bbu di dyøte ncja ngū ga mān car ley ca xí nzoguiguiju car Moisés, ca Ocja da ccahti car cjahni-ca ncjahmu di cuati cár seña hneje.

27 Car cjahni ca di dyøte ncja ngu ga man car ley, masque jin te di cuati car seña-ca jár cuerpo, guegue da juzga nar judio nai cuati car seña-ca jár cuerpo. Da xifi i ndujp^{ite}, ca jí rí den car ley ca xí ttzoquibi cu judio.

28 Nuquigue, bbu gúr judio, xíncuajt^{qui} car seña ca i ttøhtibi göhtjo cu hñøjø cu judio, pe nucá, i bbu xøtzetjo. Jin gui cjahqui dúr bajtziqui ca Ocja car seña-ca. Bbu úr bajtziqui ca Ocja, guí eme guegue göhtjo mbo ir may.

29 Car cjahni ca i eme ca Ocja göhtjo mbo úr may, guegue-ca i ccahti ncjahmu di cuati car seña ca i ncua^jti cu hñøjø cu judio. Jin te i cja bbu di cuati jár cuerpo o jin di cuati. Como i eme ca Ocja göhtjo mbo úr may, i mbeni ja da ncja pa da tzøpi. Jin gui cjajpi ncaso yu pe dda cjahni te da xifi. Ca Ocja i nu rá zö car cjahni-ca.

3

1 Nuya bbu, ¿ter beh ca i pehtzi cu judio ca jin gui pehtzi cu hnahno cjahni cu jin gui judio? Car Tzi Ta jitzi bi juajni cu judio pa di cjaju í cjahni guegue-ca, cja bi dyøtihui acuerdo hneje. I bbuh cu to di hñoni ncjahua: ¿Te bi provechabi cu judio car acuerdo-ca?

2 Xí provechabi rá ngu. Hnar cosa rá ndo zö ca xí ttun cu judio, bi tsijimu te i man cár palabra ca Ocja, cja bi ndöjtí úr dyeju cu Escritura. Gue cu Escritura i xijquiju ja i ncja ca Ocja.

3 Masque i pehtziju cu Escritura cja i padiju te i ma, ndejma i bbuh cu dda judio cu jí xcá ne xcá hñemeju. Mí yomfeniju, mí inaju, jin di cumpli

ca Ocja cá promesa cá bi xijmá bbá mí dyøthui acuerdo cá judio. Pe jin gui cierto cár mfeniju.

4 Ca Ocja tiene que da cumpli ncja ngu xcá ma. Masque jin di bbá hnar cjahni ca di eme, ¿cja da ttøti ca xí man ca Ocja?, masque göhtjo di cøniju, di majmu jin te i ntjumáy quí promesa, pe nu ca Ocja ndejma di cumpli ca xí ma. Bbá di jogui di ttzozni ca Ocja pa di ttøhtibi ur prueba, di zádi ncja ngu ga mam pá jar salmo. I ma ncjahua:

Nuquigue, um Tzi Jmuquije, bbá da tjanqui ur huenda, xta fadi, guí mángue ca ncjuani, Cja bbá xta ttøhtibi ur prueba cá palabra cá xcú ma, xta nígui, göhtjo cierto cja göhtjo rá zö.

5 Bbá di ntøxtihui ca Ocja hnar cjahni, cja di ttzozni yojmi pa di ccuájquibi ca ncjuani, tiene que di tátá ca Ocja cja di ncastiga car cjahni. Nubbá, pé ntoja di dyon car cjahni: “¿Dyocá da ttajqui cam castigo? Dí mángö xtú øhtibi hnar favor ca Ocja ca xtá ntøxtibbe. Guehcá xtá øhtibi ur fuerza, xí nígui, cierto ca i ma guegue. Bbá da castiggui ca Ocja, jin gár jogui nzöya guegue.” Ncjapá di dáh car cjahni-ca.

6 Pe ndejma ur jogui nzöya ca Ocja. Bbá jiná, jin di mehtzi derecho da juzga göhtjo yá cjahni yá i bbájcuá jar jöy.

7 Xi bbá pé di ndo zéh car cjahni-ca, pé di dajtjo: “Guehcá xtá jøxcó ca Ocja jin gui cumpli ca i ma, xí ttøhtibi ur prueba cja guegue xí ndagui. Ncjapá, más xcá fadi, göhtjo cierto ca i ma. Tzádi, xtú föxcó ca Ocja pa más da ndo ttémébi. ¿Dyocá i tsijqui dí ndujpáite bbú?”

8 Ncjahmu i ne da xijquijá car cjahni-ca, masque gu øtiju ca rá nttzo, jin te da cja. Göhtjo bí jojtjo,

como göhtjo da sirve pa más da tt̄emē ca Ocja. Pe jin gui tzö car mf̄eni-ca. I bb̄h c̄ dda cjahni c̄ i joxquigö, dí mangö hnejé, i jogui gu otijü ca jin gui tzö pa más da tt̄emē ca Ocja. C̄ cjahni-c̄, metjritjo. Rí ntzöhui da bb̄h-c̄.

Todos somos culpables

⁹ Ciento, xí ndöjtiguijü um dyejü, dí judiojü, yü Escritura yü i xijquijü ja i ncja ca Ocja. ¿Xi ya bb̄? ¿Cja más rá zöguijü, dí judiojü, ni digue yü pé dda cjahni? Jina. Ya xtí padijü, dí göhtjo dí cjahnijü, dí ndujpitezü. Göhtjo dí otiju ca rá nttzo, tanto yü judio, cja co hnëh c̄ jin gui judio.

¹⁰ Dí ncjajü ncja ngu ga mäm pü jár palabra ca Ocja.

ujtjo, jin te i bb̄h hnar cjahni ca jin di ndujpitezü, ni di hnaa.

¹¹ Jin to i bb̄h ca di pehtzi mf̄eni rá zö, göhtjo xí cjajü dondo, jin to i jon ca Ocja.

¹² Göhtjo xí jiejmü cár hñü ca Ocja, ya xná ndo nttzo cár hmøyü.

Jin gui bb̄h ca to di öti ca rá zö göhtjo ur tiempo, nim pa hnaa.

¹³ Rá ndo nttzo c̄ palabro c̄ i majmü, como nxøgue rá nttzo c̄ i mbení mbo í møyü.

Cjaatjo i ñajquijü bb̄etjri. Bb̄ i ñajü, i ne da möhtijü c̄ to i ñahui, ncjahmü pozü.

¹⁴ I ndo tzajtejü, i ndo uhui quí minga-cjahnijü.

¹⁵ I ndo cju ur ddiji quí huajü pa da zuh cár hñohui cja da möhtijü.

¹⁶ Göhtjo pü jabü i pa, i juaqui o i yøhti c̄ te i töti. I øhtibi tujni c̄ to i ntjehui, cja i cjajpi da ndo sufri.

17 Jin gui padij  ja ncja dr  hm pj  r  z .

18 Jin gui mb nij  ca Oc a, c a jin gui tzuj  guegue.

19 D  padij , guejc j  d  judioj , i nzojquij  ya palabra-ya, como guejc j  bi ttzoguiguij  c  Escriutura. T udi, g htjo y  cosa r  nttzo y  i juxcua, d   tig j -y  hneje. Jin gui j n  q  hn ah n  c ahni c  jin gui judio i  tij  ncjap . Eso, bb  xta j n anquij  ur hu nda ca Oc a, jin to da m : “Jin te d  ndujpitez .” G htjo n r mundo parejo da tt htibi ur hu nda c a da tsjifi, i ndujpite.

20 Jin tema c ahni da tsjifi jin te i tu , masque xtr  ungui  r m y xtr  nd n car ley, como jin to i j ti da dy te g htjo ca i m n car ley. Car ley i xijquij  jab  d ndujpitez . Nu ca Oc a jin da cc jtiguij  r  z  por r  nguehc  d r  tij  teng  partetjo digue ca i m m p  jar ley.

La salvaci n es por medio de la fe

21 C  cjeya c  c a x  tjogui, c a nguehc  xt   dej  ja ncja g r cuatij  ca Oc a pa jin da xijquij  d ndujpitez . Pe ya m  yabb , ca Oc a bi xih car Mois s c a co c  p  d da profeta ja di ncja dr  guati guegue c  c ahni pa di ncc hti r  z , masque j  xtr  cumplij  car ley. C a c  profeta bi j n x p  ja Escritura car h n  ca bi m n ca Oc a.

22 Nuya, ya xt  p adij , g htjo y  to da guatij  car Jesucristo pa da cc htzibij  ca i tuj , da jogui dr  guatij  car Tzi Ta jitzi. Guegue-c  da n guwij  parejo, d  g htjoj , y  judio c a co guejti y  c ahni y  jin gui judio.

23 Porque d  g htjoj , xt   tij  ca r  nttzo, nim pa hnaaguig j  xcr  j ti gua  tij  ca r  z  g htjo

ur tiempo, pa di jogui gua cuatiju car Tzi Ta jitzi. Como guegue rá nttzujpi cja jin te i tuu.

24 Nu car Tzi Ta jitzi co ni cár pójötjo, i xijquiju, ya xqui ccajtiguiju ncjahmu jin te dí tuu, como guegue car Jesucristo xí nguti ca rá nttzo ca xtú ñtiju.

25 Car Tzi Ta jitzi bú pejni guegue hua jar jöy pa gá mfön cár cji por rá nguejcóju. Bi ncjapu gá nguti car Jesús ca rá nttzo ca xí dyöti yu cjahni. Yu cjahni yu xí nguatiju jár dye car Jesucristo, gue yu xí ngühtzbibiju ca rá nttzo ca xí dyötiju. Cu cjeya cu xí tjogui, bbu jí bbe mbá eh car Jesucristo, mí mben cu dda cjahni, jí mí nttzujpi car Tzi Ta jitzi, como jí mí ñti jujticia. Bbu-bbu mí castiga cu cjahni cu mí ñtiju ca rá nttzo. Bbu-bbu mí jejtjo. Nu car Tzi Ta jitzi mí pentitjo qui mfeni, porque ya xi mí mbeni du pejni cár Tzi Ttu pa di guti ntero ca rá nttzo ca xí dyöti yu cjahni. Cja nuya, ca xcá ndu car Jesucristo, ya xí ñigui, cierto i ñti jujticia car Tzi Ta jitzi, cja rá nttzujpi hneje.

26 Cja nuya, ya xtí padiju ja xí ncja xcá jogui pa da perdonaguiju co cár pójö ca rá nttzo ca xtú ñtiju. Guehcu xtá cuatiju jár dye cam Tzi Jmuu Jesús, cja guegue-cá xí nguti ca rá nttzo ca xtú ñtigöju. Nuya, ya jin da dyüjtiguiju ur huenda car Tzi Ta jitzi.

27 Jin to da hñixtsje. Ca to di mu, guegue rá zö ga nden car ley, cja jin te i tuu, i nquivoca. Ndejmu i ndujpite, como jin to i jöti da dyöte göhtjo ca i man car ley. Dí göhtjoju dí ndujpiteju, nu car Tzi Ta jitzi i ccähti rá zö yu cjahni yu xí hñemu guegue pa da gühtzibiju ca i tuu.

28 Car Tzi Ta jitzi da ccähti rá zö ca to xí nguati jár dye car Jesucristo. Jin te i cja bbu xtrú nden car

ley o jina.

²⁹ Ntoja i bbh ch to di maq: “Ca Ocja jin da cuajti ch hnahno cjahni ch jin gui judio. Jøñaguigöjh dí judiojh da cuajtiguijh.” Dí xihquijh, guejti ch cjahni ch jin gui judio ca Ocja da cuajti, por rá ngue cár Tzi Ttu.

³⁰ Como hnaadi ca Ocja i bbhy, parejo da cuajti göhtjo ch to xí nguati jár dye car Jesucristo. Ch cjahni judio ch xí dyotihui hnar acuerdo ca Ocja, bbh xta guatijh car Jesús, ca Ocja da xijmh jin te i tujh. Guejti ch cjahnitjo ch jin gui judio, ch jí xcá dyotihui ca Ocja tema acuerdo, bbh xta guatijh car Jesús, ca Ocja da xijmh jin te i tujh hneje.

³¹ ¿Cja i poni ncjahmh jin te i sirve car ley, bbh? Jinq. Jin gui poni ncjaph. Guehca xtá cuatijh jár dye car Jesucristo, nuya dí ntiendegöhu, göhtjo cierto ca i xijquijh car ley.

El ejemplo de Abraham

4

¹ Nuya, dí mbembiquijh digue ca ndor Abraham. Yh cjahni judio xpá hñeje digue cár cji guegue. Ca Ocja bi ccahti car Abraham ncjahmh jin te di tu. ¿Te rá nguehca?

² Bbh di nu rá zö ca Ocja por rá nguehca xtrú dyoti ca rá zö göhtjo ár vida, di jogui di hñixtsje car Abraham. Nu guegue jin gá nzøhtze di dyote ntero ca rá zö, pa di nu rá zö ca Ocja.

³ Gui mbenijh te i mam pu jar Escritura: “Car Abraham bi hñeme, göhtjo mbo ár may, ca Ocja di dyote como ngu gá maq. Por eso, ca Ocja bi nu car Abraham ncjahmh jin te di tu.”

4 Bbu i peh hnar mefi, cár tjaja ca i nccuhti jin gui ttuntjo por gusto, pe i nesta da ttuni, como guehca xí ndaja.

5 Nugoju, jin gui nesta gu mpeguiju ncja hnar mefi, ncjahmu di jogui gri tatsjeju car nzajqui ca jin da tjegue. I nesta gu emebiju cár pöjö ca Ocja, pa da nuguigöju ncjahmu jin te gri tuju hneje. Cu cjahni cu i ndujpite pe i öpjiju ca Ocja da perdonabitjo co cár tzi pöjö, guegue-ca i recibi ncjahmu jin te xtrú dyotiju ca rá nttzo.

6 Guejti ca ndor David, i mantjo ncjapu hneje, ina: “Da ndo mpöh car cjahni ca da nú ca Ocja ncjahmu jin te di tu, masque ndejma xí dyoti ca rá nttzo.”

7 I bbuh ca hnar salmo ca bi dyoti car David, pu jabu i ña ncjahua, i ina:

Da ndo mpöh car cjahni ca xí ccuhtzibi ca rá nttzo
ca xí dyote, xí mperdonabi ca mí tu.

8 Da ndo mpöjö, como ya xquí pädi, ya jin da dyuhtibi úr huenda ca Ocja.

9 ¿To cu cjahni cu da jnú ncjahmu jin te di tu?
Göhtjo cu cjahni cu i töhmi ca Ocja da perdonabitjo co cár pöjö, cu judio, cja hnéh cu cjahni cu jin gui judio. Dí pädiju, ca Ocja bi nú rá zö car Abraham, bi xifi jin te mí tu, como guegue-ca bi hñeme göhtjo mbo úr may, ca Ocja di cumpli ca xquí ma.

10 ¿Ncjahmu bi tsjih car Abraham, ya jin te mí tu?
¿Cja bi tsjifi ncjapu bbu ya xquí ttöhtibi jár cuerpo car seña ca i ttöhtibi cu judio? Jina. Gue bbu jí bbe mí ttöhtibi car seña bi tsjifi jin te mí tu.

11-12 Bbu jí bbe mí ttöhtibi car Abraham car seña-ca, guegue bi hñemebi car palabra ca xquí man ca Ocja, cja por rá nguehca, ca Ocja bi xifi, jin

di ttøhtibi ar huenda digue ca xquí dyøte. Cja bbu
ya xquí xifi ncjapu, nubbu, bi ttøhtibi jár cuerpo
car Abraham car seña ca i ttøhtibi cu judio. Car
seña-ca mí sirve pa di mbembi car Abraham, ca
Ocja xquí guhtzibi ca rá nt^tzo ca mí tu, cja xquí
cuahti gá bajtzi. Como guegue car Abraham mur
primero car cjahni ca bi hñeme, ncjahmu bi cja ar
taju göhtjo cu cjahni cu i eme ca Ocja pa da guhtzibi
ca i tuju co cár tzi pöjötjo. Göhtjo cu cjahni-cu, i nú
ca Ocja ncjahmu jin te di tuju, tanto cu judio cu xí
ttøhtibi ca hnar seña jáy cuerpou, tanto cu hnahno
cjahni cu jin gui ttøhtibi car seña-ca.

La promesa es cumplida por medio de la fe

¹³ Ca Ocja bi xih car Abraham di mandado hua
jar jöy, cja co hneh quí bajtzi cu di hmuy di man-
dadoju hneje. Cár tiempo car Abraham, jí bbe mí
bbuh car ley ca i ten cu judio, pa di dyøti guegue
ca i maq. Guehca xquí hñeme göhtjo mbo ar may, ca
Ocja i cumpli ncja ngu ga maq, guegue-ca bi nú rá
zö cja bi xifi di mandado hua jar jöy.

¹⁴ Guejquitjogoju, bbu di nesta gri tengöju car ley
ca bi man car Moisés pa di ttajquiju car nzajqui
ca i ntjumuy, nubbu, di pøni, guejcöju gri joniju
ja grí tajcöju-caq. Nubbu, jin di jogui gua tøhmiju
ca Ocja, pa da perdonaguitjoju co cár tzi pöjö.
Ncjahmu ya xtrú pöti ca Ocja cár palabra ca bi xih
car Abraham, ya jin di jogui gua emebijuu.

¹⁵ Cu cjahni cu xí tsjih car ley ca bi man car
Moisés, tiene que da dyøjte, cja bbu jina, da ttun
cár castigou. Nu cu cjahni cu jí xcá dyødeju car ley
ca bi man car Moisés, jin gui tzö da denuiju-caq, como

jí xcá mbadiju ja i ncja. Guejtjo hneje, jin gui tzö da ncastiga como ngu ga man car ley.

16 Ca Ocja bi xih car Abraham guegue di dyøhtibi cu dda favor rá tzi zö, jøntsetjo porque bi hñeme car Abraham car palabra ca xquí man ca Ocja. Guejti quí bajtzi car Abraham cu jí bbe mí bby, ca Ocja di cjajpi mismo cu favor-cu. Göhtjo yu to i eme, ca Ocja da perdonabitjo co cár tzi pöjö, guegue-yu xí ttzoquibi mismo car promesa ca bi tsjih car Abraham, como i nú-yu ca Ocja ncjahmu í bajtzi car Abraham hneje. Yu cjahni yu rí hñeje digue cár cji car Abraham i inaju, bi ttuni guegue-yu car promesa, por rá nguehca rí den car ley. Pe jin gui jøñu cu to i ten car ley xí ttun car promesa. Guejtjo xí ttuni göhtjo yu pé ddaa yu i emebiju cár tzi pöjö ca Ocja, ncja ngu ngua hñeme car Abraham. Göhtjo-yu da ttun car favor ca bi ttun car Abraham. I pøni ncjahmu dem taju car Abraham, cja í bajtziguiju, dí göhtjoju como ngu xtá emeju ca Ocja ncja ngu ngua hñeme car Abraham, bbu dí judioju o bbu jin dí judioju.

17 Ya xí nzuh car palabra ca bi man ca Ocja bbu mí xih car Abraham: “Nuque, por rá nguehca xquí hñemegui, gui cja úr taju rá ngu cjahni cu da hmuh pa pé dda jñini, göhtjo tema jöy.” Bi tsjifi ncjapu como mí eme ca Ocja, göhtjo mbo úr my. Guegue mí padí, rí hñeh ca Ocja cam vidaju, hasta guejti cu cjahni cu ya xí ndu, ca Ocja i ungui nzajqui guegue-cu hneje. Guejtjo i mandado da ncja cu cosa cu jí bbe i bby, cja tiene que da hmuh-cu, como ngu ga ma.

18 Masque ya xi mí man car Abraham, ya má yabbu xquí tjoh car tiempo pa di hmuh hnár bajtzi,

ndejmá bi hñeme di hmuy, cja guegue di cja ár ta rá ndo ngutsje yu cjahni, como guehcá xquí xih ca Ocja. Bi xifi: “Drá ndo ngutsje quir bajtzi cu da hmuy, ncja yu tzø.”

¹⁹ Ya xquí mbén car Abraham, ya jin di jogui di hmuh hnár bajtzi, como ya xquí ndo ntita, casi ya xi mí pëhtzi cien año, cja ya xti tje cár nzajqui. Guejti car Sara ca mür bbeyñä guegue, ya xquí ndo nchujchu, cja göhtjo ár vida jí mí ønte.

²⁰ Pe jin gá yomfeni car Abraham bbu mí xih ca Ocja di hmuh hnár bajtzi. Bi mpöjö, cja bi hñeme göhtjo mbo ár may, tiene que di ncja-ca.

²¹ Como mí pa guegue, ca Ocja jin di zö rá ntji di cumpli ncja ngu xquí xifi, bi hñeme car Abraham, cierto di hmuh hnár ttu.

²² Bi ncjapu gá tzöpi ca Ocja, cja guegue-ca bi xih car Abraham, jin di dyuhtibi ur huenda digue ca rá nttzo ca xquí dyøte, di jnutjo ncjahmu jin te di tu.

²³⁻²⁴ Nar palabra nü bi tsjih car Abraham, jin di ttuhtibi ur huenda digue ca rá nttzo ca mí tu, bi tjux pu jar Escritura pa hnëquigöju, gu padiju, ca Ocja da nuguju rá zö hneje, bbu gu emebiju cár promesa ncja ngu gá hñeme car Abraham. Dí padiju rá nzeh cár promesa ca Ocja, jin da ttuhtiguju ur huenda digue ca xtú øtiju. Car Tzi Ta jitzi bi xox cam Tzi Jmuju Jesús, eso dár padiju, ya jin te dí tuju ya.

²⁵ Bbu mí du cam Tzi Jmuju, bi guti ca rá nttzo ca xtá øtiju. Cja car Tzi Ta jitzi pé bi cjajpi bi jñä ár jñä pa dár padiju, cierto xí ccuzquiju göhtjo ca ndí tuju.

El resultado de ser declarados justos

5

¹ Nugöju, como ya xtí padiju, xí perdonaguiju ca Ocja co cár tzi pöjö, guejtjo dí padiju, ya xqui núguiju rá zö hneje. Guehca xcá hmöh madé cam Tzi Jmuj Jesucristo, ya xí ngo úr may car Tzi Ta jitzi, cja nuya, dí mpöjcöju ya-cá.

² Cam Tzi Jmuj Jesucristo xí möxquiju. Bbu jina, jin di nuguiju rá zö car Tzi Ta jitzi, cja jin di jogui gua cuatiju. Pe nuya i ccajtigu rá zö, cja dí mpöjmu ya-ca. Guejtjo dí mpöjmu, como ya xtí tóhmij car pa gu ma grí hmapj cam Tzi Taju pu jitzi, gu ccahtij te tza rá zö guegue.

³ Guejtjo dí mpöjmu menta dí bbapj hua jar jöy, hasta dí mpöjmu bbu dí sufriju hneje. Como dí padiju, ca dár tzöju prueba, más grá cuatiju ca Ocja cja más grá zedij ca dár emeju guegue.

⁴ Cja bbu dí tzejtij cu prueba, nubbu, dí nxödiju ja ncja gár hmapj pa gu tzepij ca Ocja. Diguebbu ya, ca más gár hmapj ncja ngu ga ne ca Ocja, más gár pehtzibiju confianza da ttajquiju ca dí tóhmij.

⁵ Dí padiju, jin da jiöjquiju car Tzi Ta jitzi. Ntumay da ddajquiju ca dí tóhmij. Guegue xpá mejnquiju cár tzi Espíritu grá yojmu, cja nuca i föxquiju. I xijquiju, i ndo neguiju ca Ocja, cja da cumpli göhtjo ca xí xijquiju.

⁶ Mahmeto nim pa ndí meyaju ca Ocja, nim pa ndí padiju ja ncja drí perdonaguiju ca ndí tuju. Pe bbu mí zoh car tiempo ca xqui man car Tzi Ta jitzi, bi du car Jesucristo pa gá möx yu cjahni yu i ndujpite.

⁷ Jin gui bbuh hnar cjahni ca di mah cár minga-cjahnihui hasta di jñegui di bböhti por rá

nguehcá. Masque drá zö cár vida cár hñohui, pe jin di dö cár vida por rá ngue guegue. Tal vez di nigui hnar cjahni ca di jñegui di bböhti por rá ngue cár hñohui, bbu di hñina, i ndo muhui ca hnáa.

⁸ Nugóju, bbu jí bbe ndí meyaju ca Ocja, nim pa ndí jogui cjahniju. Ndí ndujpitezu. Nu car Tzi Ta jitzi bi neguiju rá ngu, hasta bi dö cár Tzi Ttu pa gá ndu por rá nguejcöju.

⁹ Nuya, ca xtá cuatiju jár dyε car Jesucristo, car Tzi Ta jitzi i nuguiju ncjahmu jin te gri tuju, como bbu mí du car Cristo, bi ttuni guegue car castigo ca dí mereceju. Bbu xta ncja car juicio, ya jin da zajquiju car castigo ca rí ntzöhui da ttajquiju, como nuya dí yojmu car Jesucristo.

¹⁰ Mähmeto ndí uju car Tzi Ta jitzi, ni mpa ndí ne gua hmepju guegue. Pe ca xcá ndu cár Tzi Ttu, xí ngo um lugarju, nuya xí ngo ár may car Tzi Ta jitzi, cja dí padiju hneje, gu núju car nzajqui ca jin da tjegue, como ya xtí yojmu cár Ttu ca Ocja.

¹¹ Guejtjo dí mpöjmu ca dár hmepju car Tzi Ta jitzi yu pa-ya. Como xí hmöh madé cam Tzi Jmuju Jesucristo, nuya i nuguiju rá zö cam Tzi Taju, cja dí mpöjcöju-ca.

Adán y Cristo

¹² Má ndo yabbu ca primero ur hñøjø bi dyøti ca rá nttzo. Guegue mûr Adán. Como guá hñe guegue göhtjo yu cjahni hua jar jöy, göhtjo bi deniju cár hmay car Adán. Guegue-cu bi dyøti ca rá nttzo hneje. Guehcu gá dyøti ca rá nttzo car Adán, bi tjajquibi ca mir yojmi ca Ocja, cja guejtjo bi tjeh cár nzajqui, bi du. Pé bi ncjadipu göhtjo cu pé dda

cjahni cu xí hmujcua jar jöy, como göhtjo xí dyøtiju
ca rá nttzo.

¹³ Bbu jí bbe mbá eh car Moisés pa di xih cu
cjahni car ley, cu cjahni mí øtijuu ca rá nttzo. Pe jí
mí tjampi ur huenda ncja ngu ga mm pu jar ley,
como mí ujtjo to di nzofo o di xijmu ja i ncja car
ley.

¹⁴ Pe ndejma bi duu göhtjo cu cjahni-cu hnejeu, bi
ttuniju car castigo ca xquí ttambi car Adán. Göhtjo
mí tuju, como göhtjo mí øtijuu ca rá nttzo. Mí bbuh
cu dda cjahni cu mí øti tchtto ca már nttzo. Már
nttzo ca mí øti cu cjahni-cu, pe como jí mí padiju
ja i ncja cu i ccax ca Ocja, jí mí ntøxtihui ca Ocja.
Nu car Adán, más már ndo nttzo ca bi dyøte, como
bi dyøti ca xquí ccax ca Ocja. Guegue car Adán bi
fujti cam razajuu, eso, dí göhtjojuu dí øtijuu ca rá nttzo
hnejeu, Nu car Jesucristo bi fujti hnu ddadyo raza
yuu cjahni. Ncjahmu í bajtziguijuu guegue, göhtjo yu
to i eme, como guegue xí ddajquijuu hnu ddadyo
hmuy.

¹⁵ Hna parte i jñejmi car Adán car Jesucristo, cja
hna parte i mbödihui. Cierto már ndo nttzo ca bi
dyøti car Adán, bi ttzon num hmuyjuu, dí göhtjojuu,
por eso, i tuu göhtjo yu cjahni yu i bbujcua jar jöy.
Pe rá ndo nzeh ca Ocja, cja i ndo juiguiguijuu, eso
guegue xí möxquijuu, xí nguzquigöjuu car castigo ca
bi zoguiguijuu car Adán, cja, xí pötiguijuu ca bbueto um
hmuyjuu. Car Jesucristo co ni cár tzi pöjö xí möxquijuu
ncjapu.

¹⁶ Nu car Adán, por rá nguehcu gá ntøxtihui ca
Ocja, bi tsjifi di duu. Ca hnaatjo ur cosa rá nttzo bi
dyøti guegue, xí ntungui, xí nzudi göhtjo yu cjahni,
hasta dí göhtjojuu, tiene que gu tuju. Pe ndejma

rá nzeh ca Ocja, cja guegue xí ndaguiju co cár tzi ttijqui. Masque rá ngu vez xtú øtijuu ca rá nttzo, ca Ocja co cár tzi pøjötjo i cjuzquigöju göhtjo ca rá nttzo ca xtú øtijuu, cja i nuguiju ncjahmuu jin te dí tujuu.

17 Car Adán, bi ntøxtihui ca Ocja ca hnar vez, cja por rá nguehca, xí ttajquiju car castigo ca dár tujuu, dí göhtjoju. Pe rá ndo ngu cár tzi ttijqui ca Ocja, cja guegue co cár pøjö i nuguiju ncjahmuu jin te dí tujuu, göhtjo yu to xí nguati jár dye car Jesucristo. Masque gu tujuu, guegue da ddajquiju hnar ddadyo nzajqui pa grí hmupjuu ca Ocja göhtjo ur tiempo.

18-19 Car Adán bi mudi bi dyøti ca már nttzo, cja cár hmuy guegue xí tzejpiguiju num hmuyju, eso dí göhtjoju dí øtijuu ca rá nttzo hneje. Rí ntzöhui gu bbudiju. Nu car Jesucristo bi dyøjti cár Tzi Ta jitzi, göhtjo úr vida, cja bbu mí duu, bi guti ca rá nttzo ca xtá øtijuu. Eso, ya xqui nuguiju ca Ocja ncjahmuu jin te gri tujuu, cja ya xí nguzquiju car castigo ca di ttajquiju. Nuya, da ddajquiju car nzajqui ca jin da tjegue.

Bi tjajquibi car Adán ca mír yojmi ca Ocja, como jin gá ne gá dyøjte, cja bi ttzon cár hmuy. Nugoju, bbu dí cuatijuu jár dye car Jesucristo, guegue-ca pé i pötigui cam hmuyju pa pé da jogui gu cuatijuu ca Ocja cja gu yojmu-ca.

20 Bbu jí bbe mí ttun cu cjahni car ley, mí øtijuu ca már nttzo, pe jí tza mí cjaju ndumuy. Eso, bi tsjijmuu car ley, pa di tjampi ur huenda digue ca mí øtijuu. Nubbu, bi budiju, cierto már nttzo ca mí øtijuu. Bi ncjapu gá ngujqui ca mír ndujpite cu cjahni. Nu ca Ocja, i ndo juuguiguiju. Guegue ndejmau bi jion car

manera pa bi möxquigöjü.

21 Bi guxquigöjü jár dyε ca Jin Gui Jo, pa ya jin da mandadoguijü cüm nttzomfenijü, cja pa ya jin gu möh pü jabü rá hmexüy. Nuya por rá nguehcä xtá cuatijü pu jár dyε car Jesucristo, guegue-ca xí nguezquijü ca rá nttzo ca ndí tujü, cja xí ddajquijü hnar ddadyo hmüy pa gu hmüpju ca Ocja göhtjo ur tiempo. Nuya i mandadoguijü guegue co ni cár tzi ttijqui.

Muertos en cuanto al pecado pero vivos en Cristo

6

1 Nuya, ¿ja ncja gu hmüpju ya bbü? ¿Cja gu segue gu øtijü ca rá nttzo porque ya xtí pädijü, jin da ttüjtiguijü ur huenda? Como ya xtí pädijü, ca Ocja i perdonaguijü co ni cár tzi pöjö.

2 Jina, jin da joh-ca, como ya xtú jëguijü ca ndí øtijü ca rá nttzo. Ncjahmü dú tujü, yojmi car Jesucristo, bbü ndú cuatijü pü jár dyε. ¿Dyocä gu seguejü gu øtijü ca rá nttzo bbü?

3 ¿Cja huá jin guí pädijü ter beh cä i sirve car tsjixtje? Bbü ndú xixtjejü pa dá tenijü car Jesucristo, ncjahmü dú yojmü guegue bbü mí du.

4 Car hora dú xixtjejü, bi nttzedi pü ca bbeto ur hmüy ndár hmüpju. Ncjahmü dú yojmü car Jesucristo bbü mí du cja bbü mí nttögui. Cja bbü ndú cjuadi ndú xixtjejü, pé dú yojmü car Jesucristo bbü mí jña ár jña. Nuya, dí pëhtzijü hnar ddadyo nzajqui, i jñejmi car ddadyo nzajqui ca mí pëhtzi car Cristo bbü ya xquí nantzi. Bbü mí nantzi guegue, bi nigui te tza rá nzeh car Tzi Ta jitzi.

Ncjaph hneje da fädi te tza rá nzeh ca Ocjah por rá ngue cam vidajh.

⁵ Nugöjh, dí majmh, dú yojmh car Jesucristo bbh mí duh, cjah guejtjo bbh mí jñha úr jñha. Gu mbenijh, ya xi mí hnahnh cár vida bbh mí nantzi, cjah gu ncjagöjh ph hneje. Da hnahnh car hmay ca gár hmaypjh ya. Nuya gu däbenijh ca bbeto um hmaygöjh.

⁶ Gu mbenijh ter beh ca bi ncjaguijh bbh mí ddøti car Jesucristo ph jar ponti. Ca bbeto um hmayjh ca ndí pehtzijh, ncjahmh guejti-cä bi tjajquiibi cár ttzëdi hneje, pa ya jin da mandadoguijh cum ntzomfenijh, cjah ya jin gu segue gu øtijh ca rá nttzo.

⁷ Ya xtí pädijh, bbh i tuh hnar cjahni, ya jin gui tzö da dyøti ca rá nttzo. Dí ncjagöjh ph hneje. Bbh dí mbenijh, xpá ddøti ph jar ponti ca bbeto um hmayjh, ya jin gui tzö gu segue gu øtijh ca rá nttzo.

⁸ Como dí mbenijh, bi tjajquiibi cár ttzëdi ca bbeto um hmayjh bbh mí duh car Jesucristo, guejtjo rí ntzöhui gu mbenijh, ya xtí pehtzijh hnar ddadyo hmay ncja ngu cár hmay car Cristo bbh ya xquí nantzi.

⁹ Guejto, dí pädijh, car Jesucristo bi duh hna veztjo. Digue bbh ya bi nantzi, cjah nuya, jim pé da duh, como ya xí wengua jabh i tuh yh cjahni.

¹⁰ Guegue bú ejh, bi cja ur cjahni ncjaguigöjh. Mí nesta di du pa di guti ca rá nttzo ca i øti yh cjahni. Eso, bi jñegui bi bböhti, cjah pé bi jñha úr jñha. Cjah nuya, jin da yojpi da duh, como ya xí nguti rá zö göhtjo ca ndí tujh. Nuya i bbubi cár Tzi Ta jitzi göhtjo ur tiempo. Ya jin da nuh tema cosa drá nttzo.

¹¹ Hnehquitjoguejh, i nesta gui mbenijh ncjahmh

ya xcú tuju, eso, ya jin da jogui gui dyötiju yu cosa rá nttzo. Nuya, gui hmapju hnar ddadyo hmay pa gui tzøpiju ca Ocja, como ya xqui yojmu car Jesucristo.

¹² Nuya dí yojmu car Jesucristo, pe ndejma dí bbajtiju hua jar jöy, dí bbajtiju num cuerpoju nu da du. Cja bbu ba eh cu nttzomfeni, dyo guí cjadi mayju. Jin gui jñeguiju pa da dahquiju-cu.

¹³ Ya jin gui uniju lugar ca Jin Gui Jo da mandadoquiju pa gui dyötiju ca rá nttzo, masque guehca ndí øtiju-cá máhmeto. Nuya, gui döjtiju ca Ocja quir mayju cja co hneh quir cuerpoju, pa gui dyötiju ca rá zö. Gui mbeniju ncjahmu ya xcú tuju cja pé xcú nantziju pa gui hmapju ddadyo.

¹⁴ Mahmet, bbu nguí mbeniju di jogui güi tajtsjeju car salvación, segue mí tahquiju quir nttzomfeniju, cja jí mí jogui güi jiejmu ca rá nttzo. Pe nuya, ya xqui padiju, por rá ngue cár tzi pöjötjo xí perdonaquiju ca Ocja. Tzudi, ya xcú cuatiju hnar ddadyo jmu ca i nuquiju cor ttijuqui, cja nuya, guegue i mandadoquiju.

Un ejemplo tomado de la esclavitud

¹⁵ ¿Xi ya bbu, cja gu øtiju ca rá nttzo porque ya xtí padiju, i perdonaguitjoju ca Ocja co ni cár pöjö, cja ya jin gui mandadoguiju car ley? Jina, ya jin gu øtiju ca rá nttzo.

¹⁶ Gu mbeniju, ya xqui bbuh hnam ddadyo Jmuju. Nuquigueju, ya xqui padiju ja i ncja cu cjahni cu i bbuh qui jmuju. I pejpi-cu, cja rí gax ya, car jmu i ún cár tjaja. Guehquitjogueju, gui mbeniju, ¿toca guí ne gui cjajpi ir jmuju? Bbu gui jñeguiju da mandadoquiju quir nttzomfeniju, drí

gax ya da cjuhquiju pu jabu jin gui tzö. Pe bbu gui jñeguiju

da mandadoquiju ca Ocja, drí gax ya, da ttahquiju hnar ddadyo hmay, göhtjo rá zö.

¹⁷ Nuqueju, máhmeto nguí jñeguiju

mí mandadoquiju quir nttzomfenuju. Pe nuya, ca xquí hñemeju

göhtjo mbo ir mayuju

car ddadyo palabra ca xí tsjihquiju, hnahno quir mfenuju ya. Rí ntzöhui gui ndo dyöpjiju mpöjcje cam Tzi Taju por rá ngue ca xí cjahquiju.

¹⁸ Nuya, ya jin gui equiju ca Jin Gui Jo pa gui dyötiju cosa cu jin gui tzö. Nuya, gue ca Ocja i mandadoquiju pa gui dyøhtibiju cár tzi voluntad.

¹⁹ Pe ntoja rá ntji ya cosa ya dár xihquiju ya. Eso, dí jequigö hnar cjahni ca i pejpi cár jmu cja i nccuhti cár tjaju, pa da jogui gui ntiendeju, cja gui padiju tema jmu guí ne gui teniju. Bbu jí bbe nguí emeju nar tzi ddadyo jñu, nguí øtiju ca rá nttzo. Car tiempo-ca, menta mír tjoh cu pa, mír ngujqui ca nguír dyötiju ca már nttzo. Pe nuya, ca ya xquí ndötsjeju jár dye ca Ocja, nuya gui nxödiju gui dyötiju ca rá zö. Cja nuya, ca rí tjoh car tiempo, da ngujqui ca guír dyötiju ca rá zö.

²⁰ Bbu nguí bbujiju jár dye ca Jin Gui Jo, jí nguí mbeniju ter beh cqa güi dyötiju pa güi tzøpjiju ca Ocja. Nubbu, nguí ungui ir mayuju

güi dyötiju ca rá nttzo.

²¹ ¿Ter beh cqa mí sirvequiju ca nguí øtiju cosa rá nttzo? ujtjo. Cja nuya, bbu guí mbeniju ja ncja nguír hmepjiju

máhmeto, hasta guí pehtzi ir tzöju. Bbu jin güi jíejmu car ttzovida-cau, güi bbediju

hnejeu.

²² Pe nuya, ca ya xquí poniju

járdye ca Jin Gui Jo cja ya xquí cuatiju járdye ca Ocja, gue ca Ocja guí

pεjpiju ya. Guegue i föxquiju pa gui hmapju hnar vida rá zö, cja xtrí gax ya, xqui pεhtziju car nzajqui ca jin da tjegue, ncja hner tjajaju drá tzi zö.

²³ Ca to i øti ca rá nttzo, i sirvebi ca Jin Gui Jo. Nu ca da ttuni jár gatz*i*, da ma pu jabu rá hmexuy, da bbeh pu. Nu ca to xí nguati jár dye car Jesucristo, da ttun car nzajqui ca jin da tjegue, como car Tzi Ta jitzi ya xqui nu car cjahni-ca ncjahmu jin te di tu.

Un ejemplo tomado del matrimonio

7

¹ um cjuadquiju, pé ntoja guí padiju ja i ncja car ley. Menta dí bbejtiju, i bbeh hnar ley ca i mandadoguiju. Pe bbu ya xcrú tuju, ya jin da mandadoguiju tema ley.

² Por ejemplo, hnar bbejñu ca i bbu úr dame, xí ntjajtihui, tiene que da dyoti ca i bbejpi cár dame menta di bbeh-ca, como guegue-ca i mandadobi. Pe bbu da du car hñojø, car bbejñu ya jin gui pehtzi to da mandadobi, porque ya xí ndu cár dame.

³ Menta i bbejti cár dame car bbejñu, jin gui tzö da yojmi pé hnar hñojø. Bbu da dyoti-ca, da ndujpite, rí ntzöhui da ttun cár castigo. Pe bbu ya xí ndu cár dame, ya jin gui bbeh ca hnáa ca mí mandadobi car bbejñu. I pehtzi derecho da ntjajtihui pé hnar hñojø, cja jin da ndujpite. Nugøju, dí jñejmu hnar bbejñu ca i bbebi cár dame, como i bbeh ca hnáa ca i mandadoguiju.

⁴ Nuquigueju, cjuad, gui mbeniju, i bbeh ca hnáa ca i mandadoquiju, gue car Jesucristo, como ya xcú cuatiju jár dye. Cja bbu mí du guegue pu jar ponti, ncjahmu guehpu xpá tjajqui**bi** cár ttzedi

cum mfeniju ca ndí mbeniju máhmeto, göhtjo co ni ca bbeto um hmayju. Ncjapu, dá cojmu ncja hnar bbejña ca ya xí ndu cár dáme. Guejtjo guehca gá nantzi car Jesucristo cja nuya pé xqui bbay, ya xí nigui toca gu yojmu ya. Nuya gu yojmu guegue cja gu hmapju hnar ddadyo hmay ncja ngu ga ne ca Ocja.

⁵ Cam hmayju ca ndí bbapju máhmeto, segue ndí øtiju ca rá nttzo. Mí eguiju cum nttzomfeniju pa ndár øtiju ca jí mí tzö. Nu car ley mí ccaxquiju pa jin gua øtiju ncjapu. Nubbu, más mí ndo pura cum nttzomfeniju, mí ntøxtihui car ley. Ncjahmu mí mföxihi car ley cja co cum mfenitsjeju, mí eguiju gua øtiju ca rá nttzo. Bbu jin di tjajquibi cár ttzedi ca nttzomfeni ca mí mandadoguiju, gua bbediju, bbu.

⁶ Pe nuya, ya jin gui mandadoguiju car ley ca ndí teniju máhmeto, como ya xtú wembiju-ca ca gá ndu car Jesucristo. Nuya i mandadoguiju ca Ocja, como nuya dí yojmu cár Tzi Espíritu Santo. Masque ya xqui bbuh cam Jmuju, pe ncjahmu ya xtí dyoju libre.

El pecado que está en mí

⁷ ¿Ter bej nu dí xihquiju digue car ley, bbu? ¿Cja dí xihquiju jin gui tzö ca i man car ley? Jina. Nugö jin gua padi ¿cja már nttzo ca ndí øte? bbu jin di xijqui car ley, már nttzo ca ndár nejpi quí mejti cam hñohui. I bbuh ca hnar parte car ley pu jabu i maq: “Jin gui nejpi ca i pahtzi quer hñohui.”

⁸ Masque rá zö ca i man car ley, ncjahmu i ntøxtihui cum mfeni. Bbu jí bbe ndí padi te i man car ley, jin tza mí egui cum nttzomfeni. Pe bbu mí

tsijqui, jin gua nejpi quí mejti cam hñohui, nubbu, bi pura bi dyegui cm nttzomfeni pa dá huimbi quí mejti.

⁹ Máhmeto bbu jí bbe ndí ntiende ter beh ca i man car ley, ncjahmu ndí bbay rá zö, ndí inagö jin te ndí tu. Pe ca xtá padi te i man car ley, nubbu, bi ndo dyegui cm nttzomfeni. Nubbu, cja dú padi ndí ndujpite, cja mír ntzöhui gua bbedi, ncja ngu ga man car ley.

¹⁰ Car ley i xijquiju, bbu gu cumpliju göhtjo ca i ma, da ttajquiju car nzajqui ca jin da tjegue. Pe nugö, bi xijqui mír ntzöhui gua tu, como ndejma jí ndá cumpli.

¹¹ Bbu ndí øjcö cu cosa cu i ccax car ley, mí egui cm nttzomfeni pa dá øtitjo cu cosa-cu. Cja bbu ya xtá øte, nubbu, dú padi, mír ntzöhui gua bbedi.

¹² Pe nucá, jí mûr nttzojqui car ley. Rá zö ca i xijquiju car ley, cja cu mandamiento cu ba eh pu jar ley, göhtjo i xijquiju gu øtiju ca rá zö, gu teniju ca ncjuani, gu hmepju ncja ngu ga ne ca Ocja.

¹³ Nuya, cja xtú ccahtiju, rá zö ca i man car ley. Pe ndejma i xijqui car ley, dár ntzögobbe gu tu. ¿Cja i poni ncjahmu dûr nttzojqui car ley dí nestu gu tu? Jina. Jí ár nttzojqui car ley, como nucá i xijqui ca rá zö. Ár nttzojqui cm mfenitsjegö, como nucá i ntøxtihui car ley. Bbu ndí øjcö te i man car mandamiento ca i cuati pu jar ley, más mí ndo egui cm nttzomfeni pa gua øti ca xí ccax ca Ocja. Eso, por rá ngue car mandamiento, dú padi, nttzeditjo rá nttzo cm mfenitsjegö.

¹⁴ Dí padiju, car ley i xijquiju te i ne ca Ocja, cja co ja ncja rí ntzöhui gu hmepju. Pe nugö, jin dí bbujcö

ncjapu, como dí bbajti nam cuerpo na da ducja co cam mfeni cu rí hñeh ca bbeto um hmay. Nucu, segue i egui gu øti ca rá nttzo.

15 Ca rá zö dí mbeni gu øte, jin dí øti-ca. Nu ca rá nttzo dí ne gu jegui, dí øtitjo. Ncjahmu jin dí bbutsjegö pa gu mandadotsje te gu øtigö.

16 Como dí patsje, jin gui tzö ca dí øte, ncjahmu dí bbubbe acuerdo car ley. Tzadi, dí padi, rá zö ca i man-ca.

17 I poni ncjahmu jin gui guejquitsjegö dí øti ca rá nttzo. Gue cam nttzomfeni cu i egui.

18 I bbajti ca bbeto um hmay ca ndí bbay bbu jí bbe ndí eme car Jesucristo. Nugö, mbo um may dí mbeni gu øti ca rá zö. Nu cu mfeni cu rí hñeh ca bbeto um hmay, i tagui, jin gui jegui gu øti ca rá zö.

19 Porque cu cosa rá zö cu dí mbeni gu øte, jin dí øti-cu. Nu cu cosa rá nttzo cu dí ne gu jegui, guehcu dí øtitjo-cu.

20 Bbu jin dí øtigö ncja ngu dar mbeni mbo um tzi may, ncjahmu jin dí bbutsjegö. Nu cu nttzomfeni cu rí hñeh ca bbeto um hmay, nucu, i egui gu øtitjo ca rá nttzo.

21 Nuya, ya xtú ccahti, bbu dí mbeni gu øti hnar cosa rá zö, ndejmä pé ba e pé hnar mfeni, i egui gu øti hnar cosa rá nttzo. Ncjahmu dí yohti cam mfeni.

22 Bbu dí mbeni mbo um tzi may te i man car ley ca rí hñeh ca Ocja, dí mpöjö, cja dí ne gu øti ca i maä.

23 Pe jin gui hnaatjo ca dí mbeni. Menta dí bbajti nam cuerpo na ya xí ttzoni, i bbu cam nttzomfeni cu i ntoxtihui cár ley ca Ocja, i ne da mandadogui. Nucu, rí hñeje ca bbeto um hmay, cja i egui gu øtitjo

ca rá nttzo. Ncjajmu i ntøxtihui cam nttzomfeni co ni cam mfeni rá zö.

24 Tzi probegui, ¿ja gu ncjagö bbu? ¿Toca da guzquigö yam nttzomfeni yu i mandadogui cja co hneh car ley ca i xijqui rí ntzöhui gu tuu?

25 Dí öjpi mpójce ca Ocja, i bbu ca hnaa ca da guzquigö, gue cam Tzi Jmuj Jesucristo. Bbu dí øte ncja ngu ga xijquitsje num tzi may, nubbu, dí øjti cár ley ca Ocja. Pe bbu i mandadogui ca bbeto um hmay, nubbu, segue dí øtitjo ca rá nttzo.

La vida que es por el Espíritu de Dios

8

1 Nugóju, como ya xtú cuatiju jár dye car Jesucristo, ya jin da zujquiju car castigo ca mír ntzöhui di ttajquiju. Yu to xí hñeme guegue, ya jin gui jñegui da mandadobi cu nttzomfeni cu mí mbeni máhmeto. Nuya, dí yojmu car Espíritu Santo, cja guegue i mandadoguiju ya.

2 Como ngu xtá cuatiju jár dye car Jesucristo, ya xtú jejmu ca bbeto um hmayju. Bbu ndí bbujtsjeju, mí egui cam nttzomfenij pa gua ntøxtiju ca Ocja, cja ya xi ndár ma gua bbediju. Pe nuya, car Jesucristo xí nzejquibi cár ttzedi ca bbeto um hmayju. Guejtjo xí ddajquiju car Espíritu Santo pa gu yojmu-ca cja co hnar ddadyo nzajqui ca rí hñeguegue.

3 Rá zö ca i man cár ley ca Ocja. Bbu di jogui di cumpli yu cjahni göhtjo ca i mam pu jar ley, nubbu, di dötiju car salvación por rá ngue nar ley. Pe jin dí jötiju gu cumpliju. Eso, car Tzi Ta jitzi bú pejni cár Tzi Ttu, bi cja ur cjahni, mí bbuh cár cuerpo ncja num cuerpoju. Bú eje bi guti ca rá nttzo ca xtá øtiju

cja bi guzquiju cam castigoju. Ncjapu gá nzejqui bi cár ttzedi ca bbeto um hmayju ca mí egui gua otiju ca rá nttzo.

⁴ Como gue car Espíritu Santo i mandadoguiju ya, ya xí jogui gu hmapju ncja ngu ga man cár ley ca Ocja. Ya jin gui eguiju ca bbeto um hmayju pa gu contrabiju car ley.

⁵ Yu cjahni yu jin gui mandadobi car Espíritu Santo, rí ma úr mayju jøñu yu cosa yu i cja hua jar mundo. Nu yu cjahni yu i yojmi car Espíritu Santo, nuyu i ungui úr mayju da jion cu cosa cu rí hñeh ca Ocja.

⁶ Yu cjahni yu rí ma úr mayju jøñu yu cosa i cja hua jar mundo, göhtjo xta bbej-yu. Nu yu to da mbeni ja drí mpöjmi car Espíritu Santo, da hmay rá zó, cja da mehtzi car nzajqui ca jin da tjegue.

⁷ Cu to i joni jøntsje yu cosa hua jar jöy, ncjahmu i ncontrahui ca Ocja. Como jin gui johui ca Ocja, jin gui tzö da dyøjti ca i man cár ley-cu.

⁸ Eso, cu cjahni cu i bbujtiju ca bbeto úr hmayju, jin gui tzö da hmabi ca Ocja o da mpöjmi guegue.

⁹ Pe nuqueju, ya jin gui tzö gui hmapju como ngu nguír hmapju máhmeto, como ya xqui yojmu car Espíritu Santo. Nuya, guegue da mandadoquiju. Ca to jin gui yojmi cár Espíritu ca Ocja, jí úr mejti car Jesucristo.

¹⁰ Nuquigueju, como i bbu mbo ir mayju car Espíritu ca rí hñeh car Jesucristo, guejtjo i bbu mbo ir mayju car ddadyo nzajqui ca rí hñej jitzi, cja ya xqui ccajtiquiju ca Ocja ncjahmu jin te guir tuju. Nu quir cuerpoju, ndejma da du, como jí bbe i ccazquiju car castigo ca bi ttun ca primero úr hñøjø bbu mí dyøti ca rá nttzo.

11 Nuqueju, ya xqui yojmu cár Tzi Espíritu ca Ocja, cja guegue-cá xí ddahquiju hnar tzi ddadyo nzajqui. Yu pa ya, guí bbajtiju yir cuerpoju yu i tuu, pe drí gax ya, ca Ocja da xoxquiju, göhtjo co quir cuerpoju, cja da ddahquiju car nzajqui ca jin da tjegue, como ngú gá xox car Jesucristo bbu ya xqui duu.

12 Nuya, um cjuadajquiju, ya xtú ñtiju compromiso gu pejpiju ca Ocja. Ya jin gui tzö gu hmepju ncja yu cjahni yu i joni jøñña yu i cja hua jar mundo.

13 Porque bbu gui jñeguiju da mandadoquiju cu ntzomfeni cu rí hñeh ca bbeto ir hmuyju, nubbá, xqui tuju bbu, göhtjo co quir tzi mayju. Pe bbu gui jñeguiju da mandadoquiju car Espíritu Santo, nubbá, xqui hmepju göhtjo ar tiempo. Nubbu, xta ttzejqui cár ttzedi ca bbeto ir hmuyju, cja co cu ntzomfeni cu mí yojmi.

14 Í bajtzi ca Ocja cu cjahni göhtjo cu i jñegui da mandadobiju car Espíritu Santo.

15 Mähmeto, bbu jí bbe ndí cuatiju jár dyé car Jesucristo, ndí tzuju ca Ocja, cja ndí bbupju ncja muzo cu i hmepji gá fuerza göhtjo ca da mafi. Pe nuya, ca ya xtár yojmu car Espíritu Santo, nuya dí tzö mbo um tzi mayju, um Tzi Taju ca Ocja, cja nugöju, í bajtziguiju ca. Nuya, bbu dí nzojmu ca Ocja, dí xijmu ncjahua: “Nuque, um Tzi Taquije.”

16 Nuya dí padiju mbo um tzi mayju, ya xtú cja í bajtziguiju ca Ocja.

17 Como ya xtí pádiju, í bajtziguiju ca Ocja, guejtjo dí padiju, ba eh car pa bbu xtá cjajpi um mjetigöju göhtjo cu cosa rá zö cu i pehtzi cam Tzi Taju, como dí yojmu car Jesucristo cja mero

guegue úr Ttu ca Ocja. Bbu dí sufriju hna tzi tujqui hua jar jöy por rá nguehcu dár yojmu car Cristo, nubbu, gu yojmu guegue pu jar jitzi hnejeu, gu núgöju göhtjo ca rá zö.

18 Bbu dí sufriju hna tzi tujqui menta dí bbupju hua jar jöy, gu mbeniju, jin gui ngu, más drá ndo ngu cu cosa rá ndo zö cu gu núgöju bbu pé xtu eh cam Tzi Jmuju Jesús.

19 Göhtjo yu dí ccahtiju hua jar mundo, yu cosa yu xí dyøti ca Ocja, ncjahmu göhtjo i tøhmi car pa ca xí mau guegue, bbu xta tjojqui ddadyo. Nubbu, ntero da mbödi pa da hmay rá zö. Car pa-ca, nugöju yí bajtziguiju ca Ocja, gu jñejmu car Jesucristo.

20 Bbu mí dyøti ca rá nttzo ca primero úr hñøjø, bi ttzon cár hmay guegue, cja guejijo bi ttzoni göhtjo yu i cja hua jar mundo. Masque jin tema nttzojqui mí pehtzi cu zuwe co cu pe dda cosa cu mí bbu, pe ca Ocja bi mandado göhtjo di sufri parejo, yu cjahni cja co yu planta cja co göhtjo tema zuwe yu i bbujcua jar jöy, hasta bbu xta zøh car pa ca xí man ca Ocja. Nubbu, cja da guhtzibi car sufrimiento i tzøju cja da jojqui göhtjo di ddadyo.

21 Bbu xta ncja-cu, da ujtjo yu cosa rá nttzo yu i bbujcua jar mundo yu pa ya. Da hmupju rá zö cu zuwe, ya jin da sufri, göhtjo co cu pé dda cosa cu dí ccahtiju. Guejquitjogöju, yí bajtziguiju ca Ocja, gu hmupju libre, ya jin gu nuju ca rá nttzo. Gu ndo hmupju rá zö, hasta gu jñejmu ca Ocja.

22 Desde car pa ca bi ttun car Adán cár castigo hasta rá pa ya, i sufritjo göhtjo yu te i bbujcua jar mundo, ncjahmu göhtjo i cjuti ca rá nttzo ca bi dyøti car Adán, cja göhtjo i tøhmi, ¿ncjahmu da zuh

car pa bbu xta ccahtzibi ca rí sufriju?

23 Cja jin gui jøña cu zuwe cja co cu pe dda cosa cu xí dyøti ca Ocja i sufri. Hnequigöju, dí sufriju hneje, masque dí yojmu cár Tzi Espíritu ca Ocja. Por rá nguehca dár bbujiju co nam cuerpoju nu da du, eso, dí sufritjoju. Nu car Espíritu Santo i xijquiju, ya xpa eh car pa bbu xta mböj nam cuerpoju. Nubbu, xta ccuzquigöju göhtjo ca dí sufriju cja gu cjaju ncja ngu ca Ocja.

24 Guehca xtá cuatiju pu jár dye car Jesucristo, eso, ya xtí padiju, ba eh car pa bbu xtá ncjaju ncja ngu guegue. Nubbu, xtá pehtziju car nzajqui ca jin da tjegue, göhtjo co yam cuerpoju. Pe jí bbe i ttun yam cuerpoju car nzajqui ca jin da tjegue. Bbu ya xcri pehtziju-ca, jin di nesta te gua tøhmiju.

25 Nugöju, ndejma dí emeju, gu mbödiju pa gu jñejmu ca Ocja, masque jí bbe dí padiju ja gu ncjagöju bbu xta ncja-ca. Pe dí emetjoju, cierto da ncja, cja dí tøhmiju car pa bbu xtá nuju car nzajqui ca jin da tjegue, göhtjo co yam cuerpoju.

26 Menta dí bbujiju hua jar jöy co nam cuerpoju nu xí ttzoni, jin gui nzejquiju, cja jin dí padiju ja gár nzojmu ca Ocja ncja ngu rí ntzöhui gu nzojmu. Pe dí yojmu car Tzi Espíritu Santo, cja guegue i föxquiju. Nucá i juiguiguiju como i ccajtiguiju, jin gui nzejquiju. Bbu dí oraju, i föxquiju, porque jin dí pacöju ter beh ca i nesta gu xijmu ca Ocja. Nu car Espíritu Santo i pøhtzi cum mfeniju, i xih ca Ocja. Guejtjo i juhtzi quí mfenitsje guegue, i xih ca Ocja cu dda mfeni cu jin dí padiju gu öpjiju ca Ocja.

27 Nu cam Tzi Taju jitzi i padi ter beh ca dí mbeniju mbo um tzi mayu. Guejtjo i patibi quí

mfení car Espíritu Santo, bbu ga ña guegue-cá por rá nguejcöju. Guejti car Espíritu Santo, i pátibi quí mfení cam Tzi Taju jitzi hneje. Ncjahmu i mbénihui yojmi, cá i cojmi car acuerdo, ter beh cá da dyøjtiguiju.

Más que victoriosos

28 Car Tzi Ta jitzi xí nzojquiju pa xcá cjagui í bajtziguju, ncja ngu gá mbéní guegue, ya ma yabbu. Guejcöju xí juanquiju, eso dí neju ca Ocja. Guegue ba mandado göhtjo ca te dí tjojmu hua jar mundo. I cjajpi da sirveguiju-cá pa gu cjaju ncja ngu ga mbéní guegue cá pa gu hmépju rá zö.

29 Ya má yabbu, ya xi mí pah car Tzi Ta jitzi to cu cjahni cu di guati jár dye cár Tzi Ttu. Xí juajni cu cjahni-cu, cá segue i nú pa da xójpi da cjaju ncja ngu cár Tzi Ttu. Masque mí ddatsje cár Tzi Ttu ca mí hñih ca Ocja, pe guegue-cá bi mbéní ter beh cá di dyøte pa di nígui pé dda quí bajtzi drá ngu.

30 Ca Ocja bi juajni cu dda cjahni pa gá cjajpi í bajtzi, cá guejtjo bi nzojtibi quí mayju. Eso, bi hñemebi nár palabra ca Ocja cu cjahni-cu, cá ncjapu gá ccáhtzibi ca rá nttzo ca mí tuju. Cá pé xí man ca Ocja, da cuajti quí bajtzi pu jabu bí bbu guegue pa drí yojmu cár Tzi Ttu cá da jñejmu-ca. Guejcöju, como ngu xtá emeju car Jesucristo, ca Ocja xí cjajuiju göhtjo yu favor-yu.

31 Bbu dí mbéniju göhtjo yu xí dyøjtiguiju ca Ocja, dí pádiju, da segue da möxquiju, cá jin gu tzuju ca te da contraguiju.

32 Cam Tzi Taju jitzi jin gá jiøjqui cár Tzi Ttu, bi dö por rá nguejcöju. Eso, dí pádiju da ddajquiju göhtjo cu pé dda cosa cu dí nestaju.

³³ Masque di bbah ch dda cjahni ch da jiøxquijh, dí tudij ca rá nttzo, nu car Tzi Ta jitzi ya xí juajn-quijh pa xcá cjagui í bajtziguijh. Guejtsje guegue xí xijquijh, ya jin da dyjtiguij ur huenda digue ca dí tujh.

³⁴ Nuya, jin to i pehtzi derecho da xijquijh gu bbedijh. Como guegue car Jesucristo bi du cja pé bi jña ár jña pa gá nguzquijh ca xtú øtijh, cja nuya, bí bbah pu jabh bí nccahtihui cár Tzi Ta. Segue i nzoh ca Ocja por rá nguejcójh.

³⁵ I ndo neguijh car Cristo. Masque gu sufrijh rá ngu, masque da bbedi göhtjo ch dí pehtzijh, o da ttøjtiguijh tujni, o gu tzøjh tjuju, o da tjeh cm dajtuju, cja jin te gu jajh pa pé gu töjmh, o bbh da cjöbiguijh, masque xín dá bböjtiguijh, göhtjo yh cosa-yh jin da zinguijh jár dye car Cristo.

³⁶ Ciento da jnuguijh rá nttzo por rá nguehcqa dár tenijh car Jesucristo, ncja ngu ga mam pu jar Escritura:
Guehcqa dár tenquije, göhtjo ur pa dí hñoje peligro da bböjtiguije,

Ncjahmu dí jñejme ch defti, ya xí fembi ncjahmu da bböhti.

³⁷ Pe jin gu uxí um mayjh, masque da ttøjtiguijh göhtjo ya cosa-ya. Gu segue gu yojmu car Cristo hasta ár gatzi, como guegue bi du por rá nguejcójh, cja jin da jieguijh.

³⁸⁻³⁹ Nuya, dí padí ntjumuy, jin to i bbuy, cja jin te da ncja ca da zinguijh pu jár dye car Cristo. Bbu xtá tujh, o bbh gu segue gu hmajtijh hua jar jöy, gu hmajtijh ár dye guegue. Jin gui bbuy tema ángele o tema ttzondaji drá nzedi pa da weguijh car Cristo. Göhtjo ca dí nujh yh pa ya, cja co ch da ncja ch cjeya

cu ba eje, cja co hneh cu dda ángele cu jin gui ojti
 ca Ocja, gue cu i ina yu cjahni, bi mandado pu jar
 jitzi o nu hua jar jöy, göhtjo-yu, jin da weguiju ca
 dár hmapju car Cristo. Göhtjo tema cosa ca di nigui
 hua jar jöy, ncja ngu yu i tzu yu cjahni, jin gui tzö da
 weguiju ca dár hmapju ca Ocja, como ya xí ujtiguiju
 cam Tzi Jmuju Jesucristo, te tza ngu ga neguiju car
 Tzi Ta jitzi.

Dios ha escogido a los de Israel

9

1-2 Ciento nä dí mangö hua, como xtú emé car
 Jesucristo. Jin gui tzö gu mä bbetjri. Dí yobbe car
 Espíritu Santo, cja guegue i pädi, i ndo ddajqui ur
 dumay bbu dí mben cum minga-israelitaje, como
 ya xni ma da bbediju.

3 Dí mangö, xín di jogui gua mbombi cum
 minguje pa nugö gua bbedi cja guegueju di cuatiju
 jár dye car Cristo cja di totiju car salvación. Dí ndo
 negö-cu, um cjuadagö-cu, hnaadi cam cjigöje.

4-5 Guejtjo israelita-cu, ca Ocja bi juajni pa di
 cjajpi í bajtzi. Bbu xcuí boniju pu jar jöy Egipto,
 ca Ocja bi ndo mötzi. Bi ujtti ja i ncja cár ttzëdi
 cja co cár tjay. Gue cu cjahni israelita, ca Ocja
 bi dyøtihui compromiso. Guegue-cu bi ttuniju
 car ley ca rí hneh ca Ocja. Guejtjo bi ttüjtti cu
 israelita ja ncja rí ntzöhui da tsjötibi ca Ocja, cja
 guegue-cá bi ttzoquibi cu promesa cu xquí tsjih
 car Abraham. Guejtjo hneje mí israelita cu ndom
 titaje cu i ttühtzib por rá nguehcä mí r yojmi ca
 Ocja. Cja bbu mbu ecua jar jöy cár Ttu ca Ocja, bi
 hmay gá israelita hneje. Guegue mür Cristo ca ndí

tøhmije. Rá ndo zö quí mfeni cam Tzi Taju jitzi cja i mandadobi göhtjo yu i ncja. Rí ntzöhui gu xöjtibiju göhtjo cu cjeja cu ba ejé, nim pa jabu gár tzöyaju, amén.

⁶ Már ngu cu israelita jí xcá ne xcá hñemeju ¿cja xcuí hñe Ocja car Jesucristo? Nu ca Ocja ndejmá xí cumpli cu promesa cu bi xih cu israelita. Pe i bbuh cu to jin gui ne da hñemeju, como i bbu cu dda israelita cu jí í bajtzi ca Ocja.

⁷ I bbuh cu dda cjahni cu guá hñejé digue cár cji car Abraham. Nu ca Ocja i ccahti cu cjahni-cu ncjahmu jin te dûr ncjahui car Abraham, como jin gui eme ca Ocja ncja ngu nguá hñemé guegue-ca. Nu cu cjahni cu ntjumay í bajtzi car Abraham, gue cu cjahni cu i jñejmi car Isaac. Ncja ngu gá man ca Ocja, bbu ngá xih car Abraham “Gue quí bajtzi car Isaac da ttun car herencia. Xtá nügö-cu ncja ir bbejto-cu.”

⁸ Ncjapu dá padiju, jin tema cjahni di cja úr bajtzi ca Ocja jøntsjetjo porque xtrú hmuy digue cár cji car Abraham. Gue cu cjahni cu di jñejmi car Isaac, di cja í bajtzi ca Ocja. Nu car Isaac bi hmuy porque xquí man ca Ocja di hmuy.

⁹ Ca Ocja bi xih car Abraham di hmuh hnár ttu, bi xifi ncjahua: “Bbu xta zuh car tiempo ca ya xtú mangö, xta hmuh cár ttu car Sara.” Cja bi hmuh car Isaac, ncja ngu gá man ca Ocja.

¹⁰ Nuya pé gu mbeniju ja ncja gá hmuh quí ttu car Rebeca, cár bbejñä ca ndom titaje Isaac. Cu yojo quí ttu car Isaac bi hmuy, hnaadi cár mehui, hnaadi cár tahui. Guejto bi hmuy hnaadi car ttodi.

¹¹ Bbu jí bbe mí hmuh quí bajtzi, bi tsjih car Rebeca ja di ncja-cu. Jí bbe mí fadi ¿cja di dyøti ca

drá zö-c₄? ¿cja huá di dyøti ca drá nttzo? Nu ca Ocja bi juajni ante que di hmuy, ja ndrá nguehc₄ más di mótsi. Bi dyøti ncjap₄ pa gár pødij₄, bb₄ ga nuguij₄ ca Ocja co ni cár ttijqui, jin gui por rá nguehc₄ xcrú øtigöj₄ ca rá zö. Guetsje ca Ocja i ccahti toca da mädi, toca da nzofo pa da hñemé guegue.

¹² Bi tsjih car Rebeca digue c₄ yojo quí tt₄ c₄ di hmuy: “Ca hnnaa ca bbeto da hmuy, da cjá ncja hnar muzo, da pejpi ca hnnaa ca drí gatzí da hmuy.” Gue car Esaú bbeto bi hmuy, cja gá ngax ya, car Jacob.

¹³ Bi ncjá ncja ngu ga mäm p₄ jar Escritura, bi man ca Ocja, “Xtú mbentsje ne nur Jacob, cja nur Esaú, jina-ná.

¹⁴ ¿Xi ya bb₄? ¿Ter beh c₄ gu mbeníj₄ digue ca Ocja? Ncjahm₄ jin gui nuguij₄ parejo. ¿Cja huá jin gur jogui Cjáa? Ndejmä hr jogui cjahni guegue, porque más i ndo pødi, ter beh c₄ rá zö, cja ter beh c₄ jin gui tzö.

¹⁵ Gu mbeníj₄ car palabra ca bi tsjih car Moisés. Ca Ocja bi xifi ncjahua, inq: “Gu ccahtigö rá zö car cjahni ca xtá ne. Car cjahni ca dí ne gu juijqui, xtá föxcö-ca.”

¹⁶ Eso, dí pødij₄, i juiguiguij₄ ca Ocja, por rá nguehc₄ xcá mbentsje xcá dyøte ncjap₄. Masque gu embi um møyj₄ gu øtij₄ ca rá zö, jin gui guehc₄ i cjakpi ca Ocja da nuguij₄ rá zö. Guegue i mantsje ja ncja drí nuguij₄.

¹⁷ I mäm p₄ jar Escritura ter beh c₄ bi mbén ca Ocja digue car Faraón. Guegue-c₄ mür rey p₄ jar jöy Egipto. Car Faraón bi ndo døxti ca Ocja, cja nuca mbá pømpi rá ngu castigo. Nu ca Ocja bi xifi: “Masque jin guí ne gui dyøjtigui, guejcö dú

mandado bi ttixqui gá rey, cja xtú tzεjtítjo ca dé guír uvwxyz, pa sánta da fadi te tza rá nzεjquigö, cja pa da dyøde göhtjo yu cjahni hua jar jöy, toguigö, dür Jehová.”

18 Guegue ca Ocja i mbentsje to car cjahni ca i ne da mötzi. Nu car cjahni ca i tøxti ca Ocja, guegue-ca i øhtibi fuerza pa más da ndo cja ur necio, da hñemindo da dyøti ca rá nttzo.

19 Ya xtú ccahtiju, i mandado ca Ocja, ja da ncja cam hmøyju. I bbañ cü to di hñöni ncjahua: Nubbá, ¿dyoca pé i xijquiju ca Ocja dí øtiju ca rá nttzo bbu, cuando guejtsje guegue xí mandado gu cjañu necio? Bbu xí mandado ncjapu, jin gui tzö gu cjañu jogui cjahni, bbu. Ncjanu ga man cü dda cjahni.

20 Nuquiguë, gúr cjahnitjo, jin gui tzö gui tzohmi ca Ocja. Guegue i jñejmi hnar dyøti-moji cja nugöju dí jñejmu car pejöy. Bbu di jogui di ña hnar xaro, cja di xih car hñøjø ca bi dyøte: “Jin gui parecegui ca xquí dyøjqui ncjahua,” ¿ter bëh ca di sirve bbu di mañ ncjapu? ¿Cja i mandadotsje car pejöy te da ncjajpi?

21 Car dyøti-moji i pëhtzi derecho da cjajpi car pejöy ncja ngu ga mbení. Co mismo car pejöy, puede da jojqui hnar bbada drá tzi zö ca di pëhtzi lujo, cja co hnar jomoji tjojo, ca di nìgui gá jöytjo. Guetji ca Ocja i pëhtzi derecho da cjaguiju ncja ngu ga mbentsje.

22 Ca Ocja xí dyøti cü dda cjahni cü i jñejmi jomoji. Guegue jim be ga undi ur cué ca rí dyøti ca rá nttzo cü cjahni-cü. I tøhmi rá ngu tiempo, xajmá da repentiju, masque ya xí mbädi guegue desde ya má yabbu, drí gax ya, da un cár castigo

cu cjahni-cu. Ca Ocja xí dyøti cu cjahni-cu pa gu padiju, tiene que da castiga cu to i ncjapu, cja guejtjo pa gu padiju te tza rá nzedi guegue.

²³ Guejtjo xí dyøti cu pé dda cjahni cu i jñejmi cu moji cu xí tjojqui gá lujo. Cu cjahni-cu, ya má yabbu bi mben ca Ocja di un cár nzajquiju cja di jojqui pa drí hmepju guegue pu jabu rá tzi zö. Gue cu cjahni cu xí nzojtibi quí tzi mayju cja xí nguhtzibiju ca rá ntto ca mí tuju, pa drí nigui te tza ngu cár tzi ttijqui ca Ocja.

²⁴ Nugøju, como ngu xtá cuatiju jár dyε car Jesucristo, dí jñejmu cu moji rá tzi zö. Ca Ocja jí xcá nzofo hnaatjo ur raza. Nu guegue xí nzojquiju, ddaaguigöju, dí judioju, yu pé ddaaguigöju, dí hnahno cjahniu.

²⁵ Ya má ndo yabbu, bi mben ca Ocja di nu co ni cár tzi ttijqui cu cjahni cu jin gui judio, ncja ngu nguá nu cu judio máhmeto. Bi ma ncjapu car profeta Oseas pu jár libro ca bi dyøte, ina:

I man ca Ocja,

Cu cjahni cu jí mí tengui, nuya gu xijmu um cjahni-cu,

Cu jí ndí nejmu, gu ne ya cu.

²⁶ Nu pu jabu bi tsjih cu cjahni cu jí mí emegui: “Nuquigueju, jí í cjahniquipu ca Ocja,” guehpu pé xta tsijimu,

“Nuya, í bajtziquipu ca Ocja ca ntjumu i bbuy.”

Ncjapu gá tsjih cu cjahni cu jin gui judio.

²⁷ Guejti car profeta Isaías bi ma te di ncjajpi yu cjahni israelita, bi hñina: “Masque xí ngujqui quí bajtzi car Israel, ya xná ngu, ncja cu bbomu cu i bbom pu jár ntzani car mar, pe göhtjo da ncastiga,

cja tengutjo da huete.” Tzudi, ya xi mí pah car Isaías, di tengudi cu cjahni israelita cu di dötiju car salvación.

28 Ncja ngu ga man car profeta, ya xí man ca Ocja, ya xta castiga yu cjahni yu i bbujcua jar jöy, ya jim pé da döhmi. Bbu xta ncja-ca, guegue xta hna pun cu cjahni cu jí xcá ne xcá hñemeju, ya jin da jiøjqui-cu.

29 Ya xí nzh ca bi man car profeta Isaías pu jar libro ca bi dyøte. Bi ma:

Car Tzi Ta jitzi i mandadobi göhtjo yu i bbuy, cja guegue xí castigaguiju, í cjahniguiju.

Rá ngu cu xí puni, cja jøñaguigöju te dí ngudiju, xtú huetiju.

Bbu jí xtrú weguiju ca Ocja, tenguguigöju pa gua hmujiju, ya xcrú mpuniju, dí göhtjoju.

Ya xcrú bbuediju ncja ngu cu mingu Sodoma cja co cu mingu Gomorra.

Ncjanu gá man car Isaías digue cu cjahni israelita.

Los judíos y el evangelio

30 ¿Xi ya bbu, ter beh ca xí ncja ya bbu? Yu hnahnó cjahni yu jí mí padiju ja i ncja ca Ocja, cja jí mí joni ja drí denuju guegue, guejyu xí nu rá zö. Por rá nguehcq xcá hñemebiju cár tzi ttijqui ca Ocja, xí nccuhtzibi ca rá ntzo ca mí tuju.

31 Nu yu cjahni israelita, guegue-yu mí ten cár ley ca Ocja cja mí inaju, di ncjapu drí dötiju car salvación. Pe ndejma jin gá jiöti di cumpliju göhtjo ca i man car ley, por eso jin gá ndöti ca mí joniju.

32 ¿Te rá nguehcq? Porque mí mbeniju, jøntsje co ca mir dyötiju ca i mam pu jar ley, co guehcq di tzøpiju ca Ocja, cja di datsjeju car nzajqui ca jin

da tjegue. Eso, bbu mbu eh car Jesús hua jar jöy, már ngu cu cjahni israelita jin gá ne gá nguatiju. Bi zaniju, ncja ngu xquí man ca Ocja, ya má yabbu, pu jabu i ñq digue car ndo medo ca bi ttzani.

³³ I ma ncjahua pu jar Escritura:

Nujmaju, xtá pemp*i* cum cjahni ca hnam jmandadero ca xtú itzi pa da guhtzibi ca rá nttzo ca i tuju.

Nu car cjahni-ca, da jñejmi hnar ndo medo pu jabu da mfehtziju, como jin da ne da hñeméju-cá. Drá ngu cu israelita da zandiju. Nu cu to da hñeme, xtá nugö rá zö, cja jin da bbediju.

10

¹ Nugueju, um hñohuiquiju, te tza dí mben cum mingq-israelitaje. Cjuá dí nzoh ca Ocja pa da cjajpi da hñeméju car Jesucristo, cja da dötiju car nzajqui ca jin da tjegue.

² Dí padi, cja dí dö nam palabra, cierto i ndo uni í mayju pa da dyøti cu mandamiento cu xí ttuni. I inaju, da ncjapu drí dajmu car nzajqui ca jin da tjegue. Pe jin gui padiju ja ncja ga ttajquiju-ca.

³ Guegueju xí mbeni, da zøjti ca i mam pu jar ley ca bi man car Moisés, pa ncjapu drí dapiju cár favor ca Ocja. Pe jin gui padiju ja i ncja cár mfeni ca Ocja. Como xí man ca Ocja, gue cu cjahni cu da hñemébi cár tzi ttijqui da ttundi car nzajqui ca jin da tjegue.

⁴ Car Jesucristo bú eje, bi dyøte göhtjo ca i mam pu jar ley ca bi zoguiguije car Moisés. Cja nuya, göhtjo cu to da ne da guati jár dye guegue, guejti-cá, da nu ca Ocja ncjahmu xtrú cumpli göhtjo ca i man car ley.

5 Bi mān car Moisés, car cjahni ca da zōjte göhtjo ca i mām pū jar ley, guegue da döti car nzajqui ca jin da tjegue.

6 Pe hnahnō ga xijquijū car tzi ddadyo jñā ca dí emejū. Car jñā-cā i xijquijū, jin gui nesta gu hñöntsjejū: “¿Tocā da bōx pū jitzi pa du tzí ca hnáa ca da salvaguijū?”

7 Guejto jin gui nesta gu hñöntsjejū: “¿Tocā da gāh pū jabu rí ma yū á anima, pa du tzí pū ca hnáa ca bi dū por rá nguejcōjū?” Jin gui nesta gu majmū ncjapū, como ya xí nigui car Cristo, ya xí ndū, cja pé xí jñā ár já pa xcá salvaguijū.

8 ¿Ja i ncja car tzi ddadyo jñā ca dí emejū? I mām pū jar Escritura ja i ncja, inā: “Jin gui ntji pa gui ntiende o pa gui xih hner minga-cjahnihui.” I xijquijū ncjahua: Ca Ocja co ni cár tzi pöjö i undi car nzajqui ca jin da tjegue göhtjo yū to i cuati jár dye car Jesucristo.

9 Bbū guí eme göhtjo mbo ir māy, bi dū car Jesucristo pa gá nguti ca rá nttzo ca xcú dyøte, cja pé bi nantzi pa gui pādi, ya jin te guí tu, nubbá, da guzqui ca rá nttzo ca xcú dyøte. I nesta gui hñeme ncjapū cja guejto gui xij yū pé dda cjahni to quer Tzi Jmū guí eme.

10 Porque bbū dí cuatijū jár dye car Jesucristo, ca Ocja i nuguuijū ncjahmū jin te gri tujū, cja bbū jin dí pəhtzi um tzöjū gár xij yum hñohuijū toca dí emejū, ca Ocja i ddajquijū car nzajqui ca jin da tjegue.

11 I xijquijū car Escritura: “Göhtjo cū to da guati pū jár dye guegue, da guhtzibi ca rá nttzo ca xí dyøte. Ya jin da ncastiga-cū.”

12 Ca Ocja i nú parejo yū judio cja co yū cjahni

yu jin gui judio. Hnaadi ca Ocja bi dyote göhtjo yu raza yu cjahni, cja i jujqui göhtjo tema cjahni ca i öjpi da nu co ni cár tzi ttijqui. Bba to i jon ca Ocja göhtjo mbo úr may, guegue-ca co ni cár tzí pöjö da uni göhtjo ca i nesta.

13 Da ncja ncja ngu ga mam pu jar Escritura: “Car cjahni ca da guati cam Tzi Jmujuu, cja da dyöjpi da nu co ni cár ttijqui, da ttun car nzajqui ca jin da tjegue.”

14 Pe i bbu cu dda cjahni cu jí bbe i emeju car Jesucristo, eso, jin gui tzö da dyöjpi da möxjuu. Cja bbu jí bbe i ødeju to car Jesucristo, ¿ja ncja drí guatijuu pu jár dye, bbu? Cja bbu jin to da ma du xijmu, ¿ja ncja drí dyødeju bbu?

15 I nesta da ttun cár cargo cu dda cjahni pa da má du nzofo. Nubbu, da zuh ca i mam pu jar EscriTura: “Da ndo mpöh cu cjahni cu rá bbuh pu jabu da zoti quí jmandadero ca Ocja. Xta mpöjö, como xta tsijimu car tzi ddadyo jñu.”

16 Pe ndejmu i bbu cu dda cjahni cu xí dyødeju car tzi ddadyo jñu digue car Jesucristo, pe jí xcá ne xcá hñememuu. Xí cjaju ncja ngu gá man car profeta Isaías bbu mí nzoh cu israelita, bi hñinu: “Nuque Ocja, xtú xij yir cjahni quer tzi palabra, pe jin gui ne da hñememuu.”

17 I nesta da tsij yu cjahni to car Jesucristo cja co te rá nguehca bú ejeu, pa da dyøde cja da guatijuu pu jár dye guegue.

18 Cja pé da hñön cu dda cjahni: “¿Cja jí bbe i øh cu cjahni israelita to car Jesucristo cja co te rá nguehca bú eje?” Dí mangö, jaaq, göhtjo xí dyøde,

como xí ndo ntəngui car palabra, ncja ngu ga man ca hnar salmo, ina:

Car palabra ca bi majmu, bi ntəngui göhtjo hua jar mundo,

Hasta cu cjahni cu rá bbuh pu jabu rá ttze nar jöy, göhtjo-cu ya xí dyødeju.

19 Xi bbu pé da ttönguigöju: “¿Cja jin gá ntiendeju cu cjahni israelita car palabra ca bi tsijimu?” Dí ingö, bi ntiendeju, pe jin gá ne gá hñemeju. Cja nuya, ya xí ncjá ncja ngu ga man car Moisés pu car Escritura. Nuya, ca Ocja xí cuajti cu hnahno cjahni cu jin gui israelita. I ina:

Nuya, gu cuajti cu cjahni cu jin dá juajni mahmeto pa gua cjaipi um bajtzi, cja nuqueju, um cjahniquipu, da hño quir mfeniju.

Gu jujjqui cu cjahni cu jí mí padi toguigö, cja nuqueju, da ddahquipu ur cue.

20 Guejti car Isaías bi man tzi claro, ter beh cu di ncja. Bi hñina:

I man ca Ocja: “Cu cjahni cu jí mí jonguigö, guehcá xí ndöjqui,

Cja cu cjahni cu jí mí padiju, ¿ja dí ncjagö? guehcá xtú cuajti pa gu hmupje.”

21 Nu cu israelita xí ndøxtiju ca Ocja, ncja ngu ga mam pu jar Escritura. I man ca Ocja: “Cjaatjo ndár mvitabi yam cjahni di guajqui. Cjaatjo ndár xijmu dí ne-yá. Nuyá, xí uguitjo, jí xcá ne xcá ndənguiju.”

Los de Israel que son salvos

11

1 Nuya, pé gu mbeniju: ¿Cja ya xí dyen cu cjahni israelita ca Ocja? Jina. Porque nugö, dür israelita hneje. Xtá eh pu jár cji car Abraham co pu jár cji

car Benjamin. Guegue-ca mûr mboxibbejto car Abraham.

² Ya má ndo yabbu bi juajni ca Ocja cu cjahni israelita pa di cajpi í cjahni-cu. Nuya, ncjahmá xí weguehui, pe jí xcá dyen-cu, como i bbu tengü cu i emetjo. Yé pa-yá, xí ncjá ncja ngu cár tiempo car Elías. Nucá bi nzoh ca Ocja, bi quejabi quí minga-israelitaj, ina:

³ “Nuque, Ocja, ya xí jiequi göhtjo cu pé dda cjahni israelita. Ya xí möhti göhtjo cu pé dda quir mëfi cu mí man quer palabra. Ya xí juaqui cu altar pu jabu mí jñajtiqui zuwe. Jønguitsjegö xtú huete, dí ddatjsé dí tenquigö, cja ya xqui ne da möjtigui hneje cu contra.”

⁴ Gui mbeníj, ja ncja gá ndah ca Ocja, bi xij car Elías: “Dyo guí cja ndumay, xtú wejquigö siete mil hñøjø cu i tenguitjo, cu jí xcá ndané car ídolo Baal.”

⁵ Ncjadipu hneje nar tiempo-ya, i bbuj yu ddaaguigöje dí israelitaje xtú emeje, car Jesús guegue ur Cristo ca xpá mëjni ca Ocja. Guejtsé ca Ocja bi juanquije por rá ngue cár tzi pöjö, cja xí nzojtigui um tzi mayje pa xtá emeje car Jesucristo.

⁶ Masque i bbu cu ddaaguigöje, máhmëto ndí mpëguije, ndí øtije göhtjo ca i man car ley, jin gá juanquije ca Ocja por rá nguehcá. Bi juanquije jøntsjetjo porque xquí mbentsje di nüguije co ni cár tzi ttijqui.

⁷ ¿Ter beh ca xí ncja ya bbu? Már ngu cu cjahni israelita cu mí joni ja drí datsjey, car nzajqui ca jin da tjegue, pe jin gá nzøhtzij. Nu cu tengudi cu cjahni israelita cu bi juajni ca Ocja, guegue-cu bi döti ca mí jon cu pé ddaa, como bi hñemebij, cár tzi ttijqui ca Ocja. Nu cu pé ddaa xí caj, necio,

jí xcá ne xcá hñemeju ¿cja güí hñeh ca Ocja car Jesucristo?

8 Xí nzudi ncja ngu ga mam pu jar Escritura: Guejtsje ca Ocja bi cjajpi cu cjahni bi memayu, I bbuh quí döju, pe jin gui padi ter beh ca i ccahtiju. I bbuh quí guju, pe jin gui ntiende ter beh ca i tsijimu.

Rá ngu cu israelita i ncjáju pu hasta rá pa ya.

9 Guejto xí cjáju ncja ngu gá man car David di ncja. Bi hñina:

Xí ndo ttuniju rá ngu bendición. I jmuntziju, cja i øtiju mbaxcjua. I mbeniju, rá zö ga hmupju. Pe nuya, ca Ocja, da hna mempi cár castigoju.

10 Da cjajpi da ncjaju ncja hnar godö,

Masque i yoti car jiahtzi, pe guegueju i bbujtiju jar bbexuy.

Da cjajpi da ncjaju ncja hnar döhtji ca jin gui tzö da hmoy derecho,

Göhtjo úr vida da duuju ca rá nttzo ca xí dyotiju, nim pa jabu drí ccahtzibju.

11 Gue car castigo-ca xí nzuh cu israelita cu jí xcá neju car Cristo ca bú pejni ca Ocja. Ca Ocja jin gui nú rá zö cu cjahni-cu. I jñejmu cjahni cu xí mfehtzi pu jar hñu jabu má pa. Pe nuya, rí ntzöhui gu hñontsjeju: ¿Cja ya jin da jogui pé da nantziju? Da jogui. Ndejmu ba eh car pá bbu xta hñemeju. Guehca jí xcá ne xcá hñemeju car Cristo cu dda judio rá ngu, por rá nguehca, xí tsjh cu cjahni cu jin gui judio car evangelio. Nucu, xí hñemeju, cja xí ndötiju car salvación. Nu cu judio, bbu xta jñaju ur huenda digue cu hnahno cjahni, ya xqui mpöjmu ca xcá ndötiju car nzajqui ca jin da tjegue, da ndo dyoju, cja guejti-cu da guati car Cristo hneje.

12 Como jin gá ne gá nguatiju car Jesucristo cu judio, eso, jin gá ndöti ca mí joniju. Nu cu pé dda cjahni hua jar mundo, cu jin gui judio, xí provechabi cár tzi ttijqui ca Ocja, xí nguatiju car Jesucristo cja xí nuju rá ngu bendición. Bbu xta zøh car pa bbu xta hñeme cu judio hneje, más da ndo mpöjmu göhtjo yu cjahni hua jar mundo, como más drá ndo ngu cu bendición da nuju, bbu.

La salvación de los que no son judíos

13 Nuya, dí pehtzí algo dí ne gu xihquiju, nuqueju guí cjahnitjo, jin guí judioju. Como xí ddajcö ca Ocja nám cargo na dár nzoj yu cjahni yu jin gui judio, eso, dí mpegui, dí øti nar bbefi, sánta da hñeme car Jesucristo rá nguquigueju jin guí judioju.

14 Cja guejto dí mben cum minga-israelitaje, bbu xta ccahti yu cjahni yu jin gui judio, ya xqui eme-yu, guejti cu dda israelita da mvidiabiju cja da hñemeju hneje.

15 Por rá nguehcä xcá weguehui ca Ocja cu judio, ya xí jogui xí nguati guegue cu pé dda cjahni cu jí mí mpadihui ca Ocja mähmeto. Pe bbu xta hñeme car Cristo cu judio hneje, cja pé da guatiju ca Ocja, nubbu, da ndo mpöjmu göhtjo yu cjahni hua jar jöy. Nubbu, ya xtrú ncja hua jar mundo göhtjo ca xí mben ca Ocja da ncja.

16 Dí padiju, cierto du cojmu da jioniju ca Ocja cu cjahni israelita cu jí bbe i eme car Jesucristo. Como mí mejti ca Ocja cu ndom titaje, cu israelita cu mí bbu jár madi, tiene que da cjaju í mejti ca Ocja hneje cu to rí hñeju digue cár cji guegueju. Ya xcú dyødeju, cam razaje, i tjequihui hnar za gá olivo. Bbu í mejti ca Ocja quí dyu car za, guejto í mejti

quí dyε. Tzədi, göhtjo cam razaje da cja ár mεjti ca Ocja.

17 C✉ dda judio c✉ jin gá hñeme car Cristo, i jñejm✉ c✉ dda quí dyε car za gá olivo. Nucá, bi ttojqui, pa bi njerta p✉ c✉ dda quí dyε ca hnahnó ur za ca yap✉ már jø. Cja nuquej✉, guí cjahnitjoj✉, jin guí judioj✉, guí jñejm✉ quí dyε ca hnahnó ur za. Cja nuya, guí tzijpij✉ cár vida car za gá olivo. C✉ favor c✉ bi ttun c✉ judio máhmeto, guehquej✉, guí pehtzij✉ ya-c✉.

18 Eso, jin gui tzö gui hñixtsjεj✉ o gui desprecia-
bij✉ c✉ judio c✉ i jñejm✉ c✉ dyεza c✉ bi ttojqui. Gui
mbenij✉, jin gui guehquej✉ guí unij✉ ár nzajqui car
za, como guí dyεzatjoj✉. Gue car za i ddahquitjo
quer nzajquij✉.

19 Pé ntoja i bb✉h ca to da dadi: “Bi ttojqui c✉ dda
dyεza pa gua cuatigö p✉ jar za.”

20 Ciento-ca. Ncjahm✉ xí dyεn c✉ judio ca Ocja,
como guegue-c✉ jin gá ne gá hñemebi cár tzi
ttijqui. Cja nuquej✉, i nuquij✉ rá zö ca Ocja, como
gú hñemebij✉ cár tzi ttijqui. Pe jin gui ma gui
hñixtsjεju. Mejor, gui penti quir mfeniju, cja gui
ntzohmj✉ ja grí hmepj✉ rá zö.

21 Ca Ocja jin gá jiøqui c✉ dyεza, bi dyojqui, bi
gahtzi p✉ jab✉ mí bb✉y. Cja nuquej✉, ncjahm✉
xcú cuatitjoj✉ guegue, hnahnó ur za p✉ jab✉ xcú
hñejm✉. Bb✉ gui hñixtsjεj✉, jin da jiøquiquij✉ hneje.

22 Nuya dí ccāhtij✉, rá ndo zö ca Ocja, pe guejtjo
hneje rá ntzujpi. C✉ judio c✉ jin gá ne gá hñeme,
ca Ocja xí nzogui, ya jin gui nú rá zö. Nuquej✉, guí
cjahni jin guí judioj✉, xcú hñemebij✉ cár tzi ttijqui
car Jesucristo, nuya, guehquiiguej✉ xí cuajtiquij✉
ca Ocja. Bb✉ gui hmepj✉ p✉ jár dyε car Cristo, xquí

hmüpju rá zö, bbá. Pe bbu gui wembiju pu, nubbá ca Ocja da zoquiquiju hneje.

23 Nu cu judio, bbu pé xtu cojmu pa da jioniju ca Ocja, cja da dyöjpju cár perdón, ca Ocja da nú rá zö, cja pé da cuajti pu jabu xí ttzejqui. Nucú, í cjahni ca Ocja cu bi juajni ya má yabbu, eso, i padi ja drí däpí cár voluntad pa pé da guatiju guegue.

24 Nuqueju, jin guí judioju, mähmeto jí mí cjahniquiju ca Ocja. Yapu ngár bbüpju, nu ca Ocja bi nzojtiquiju quir tzi muyju, bú tziquiju cja bi cjahqui í bajtziquiju. Hnixjma cu judio cu bi juajni guegue pa di cjajpi í bajtzi, jin da zöjpi rá ntji pa pé du tzí-cu. Ca Ocja pé da cuajti cu cjahni israelita hua jabu mí bbejmaju, cja pé da nú co ni cár tzi ttijqui.

La salvación final de los de Israel

25 Dí ne gu xihquiju, hermano, hnar mfeni ca jí bbe i fädi. Dí xihquiju-na pa santa jin gui hñixtsjeju cja pa jin gui majmu, guehueju i ndo nequiju ca Ocja, nu cu cjahni israelita, ya jin gui ne-cu. Yu pa-ya, cu cjahni israelita jin gui ne da hñemeju, ¿cja güí hñeh ca Ocja car Jesucristo? Pe bbu ya xtrú nguati guegue-cä göhtjo cu cjahni cu jin gui judio cu da hñeme, nubbu, da hñeme cu israelita hneje.

26 Car pa-ca, drá ngu cu cjahni israelita da guatiju ca Ocja, cja da hñemeju car Jesucristo. Nubbá, da zuh ca hnar palabra ca i mam pu jar Escritura, i ina:

Du eh ca hnar cjahni digue cu judio pa da möx quí minga-israelitaju,

Guegue da pötibi quí mayj cahni cahni guá hñejé
digue cár cji car Jacob, da cajpi da jionijca
Ocja.

27 Bbu xta nigui car cahni-ca, gu ohtibiju cum
cahni hnار ddadyo compromiso,

Gu cuhtzibij ca rá nttzo ca i tuj.

Ncjapga man ca Ocja par Escritura.

28 Yu pa-ya, cahni judio jin gui ne da hñemeju car
ddadyo jña digue car Jesucristo, eso, xí weguehui
ca Ocja, cajpi nuqueju, guí cahnitjoj, xcú cuatiju.
Pe ndejmq i nedí cahni judio ca Ocja, cajpi i mbendi cahni
promesa cahni bi xih cahni ndo í titaju.

29 Bbu te i ddajquijca Ocja, ya jim pé da
jñanguij. Guejtjo bbu to xí xih hnار promesa, jin
da hna pötitjo cár palabra.

30 Nuqueju, máhmeto, nim pa ngui padij ja i
ncja ca Ocja. Pe nuya, guegue xí cuajtiquijca xí
nuquij rá zö, como ya xcú mbodihui cahni judio cahni jin
gá ne gá hñemeju car Jesucristo. Jøntsjetjo por rá
ngue cár tzi ttijqui, ca Ocja xí nguzquij ca rá nttzo
ca ngui tuj.

31 Nar tiempo naq dí bbu pej ya, cahni judio xí wembi
ca Ocja. Pe ya xpa eh car pa bbu pé xtu ejmu, xta
dyójpitjojca Ocja cár tzi perdón, ncja nguquigueju
xquí dyotiju.

32 Cahni cahni cahni jin gui judio cajpi co hneh cahni judio,
göhtjo xí ntøxtihui ca Ocja, cajpi xí dyotiju ca mí
mbentsjeju. Ca Ocja göhtjo xí jiejmca xí dyotiju
ncjapga, pa da badij, göhtjo jin gui jogui cahni.
Cajpi diguebbu ya, pe xí nzojmu göhtjo, xí xijmu ja
ncja da jogui drí guatiju por digue cár tzi ttijqui, pa
da ccuhtzibij ca rá nttzo ca i tuj.

³³ Ciento, ur jogui Cjáq ca Ocja. Rá ndo ngu cár ttijqui, cja rá ndo nte quí mfeni. I padi göhtjo ca xí ncja, cja co göhtjo ca te da ncja. Jin tema cjahni di mbeni ncja ngu ga mben ca Ocja. Jin dí padij te i ne da man cu xí dyóte.

³⁴ Ciento nar palabra naq i mmam pu jar Escritura: Jin to da zóhtze da baudi ja ncja ga mben ca Ocja, Jin to da baudi da ungui consejo.

³⁵ Jin to i bbah ca di jogui di ma: “Xtú cjajpigö hnar favor ca Ocja, Cja nuya dí tohmi da cozqui.”

³⁶ Ca Ocja bi dyóte göhtjo yu i bbay, xí un cár nzajquiju. Guejtjo i mandado göhtjo te i ncja. Ya xí mbeni te da cajpi göhtjo, cja ja ncja drí guadi. Xí dyóte göhtjo pa da ttihzibi guejsje guegue. Gu xójtibiju göhtjo cu cjeña cu ba eje. Amén.

La vida consagrada a Dios

12

¹ Nuya, um cjuadquiju, dí öhquiju gui mbeniju tzu, te tza ngu cu favor xí ddajquiju ca Ocja, jontsjetjo por rá nguehca xcá nuguij co ni cár tzi ttijqui. Eso, rí ntzöhui gui ndötsjeju jár dye pa dí mejtiquiju ca Ocja göhtjo ir vidaju. Gue nar ofrenda-naq da nahtibi ca Ocja yu to i joni göhtjo mbo úr mayju.

² Nuquigueju, ya jin gui hmapju como ngu cu cjahni cu rí den nar mundo. Gui dyöjpij ca Ocja da pötiqui quir mfeniju, cja da ddahquiju hnar ddadyo hmay. Da ncjapu grí nxödiju ja ncja grí hmapju pa da tzoh ca Ocja. Gui hmapju ncjapu, pa grí ccahtiju, te tza rá zó quí mfeni ca Ocja.

3 Nuya, ya pé dda palabra gu xihquijh, dí ma porque úr jmandaderogui ca Ocja. Guegue-ca xí ddajqui nám cargo. Eso, dí nzohquijh, pa jin to da hñixtsje, cja jin to da hñexihui cár minga-hermanohui. Bbh guí pεhtzi mfeni rá zö pa gui dyøte tema bbefi jar templo, gui mbeni gue ca Ocja xí ddahqui ch mfeni-cá. Cada hnaaqiguigh, gui mbeni tema cargo bi ddahqui ca Ocja bbh ngú hñeme, cja gui hmay conforme car cargo-ca.

4 Nugójh, hnaadi nám cuerpojh, pe i mpejni rá ngu parte pa da zøte. I weh car bbefi ca i øte cada hnár parte nám cuerpojh.

5 Hnecójh, como ngu xtá emejh car Cristo, dí ncjagójh ph hneje. Masque rá nguguijh, dí cjah hnaadi car cuerpo, gue cár cuerpo car Cristo. Como hnaadi cam Tzi Jmujh ca dí pεjpijh, ya jin dí bbajtsjejh, dí mföxjh, ncja ngu yí parte nám cuerpojh.

6 Ca Ocja xí ddajquijh cada hnaaguijh hnam bbefi gu pεjmh, cja i nesta gu øtiju-ca pa gu mföxih. I bbuh car hermano ca xí ttuni mfeni pa drí nzoh ch pé ddaa, drí xijmh hnar ddadyo palabra ca rí hñeh ca Ocja. Ca to da ñq ncjaph, da xih ch pé ddáa hnar palabra ca da sirvebijh pa da zeh ca drí hñemejh.

7 Car hermano ca xí ttun car bbefi pa da nú ch probe, da nú rá zö-ch. Guejti ca hnaa ca i tocabi da ujti ch pé dda hermano nár palabra ca Ocja, da ungui úr may pa da ujti rá zö.

8 Guejti car hermano ca xí ttun cár bbefi pa drí nzoh ch cjhni pa jin da jieh ca rí dñijh ca Ocja, guejti guegue da dyøti cár bbefi góhtjo mbo úr may.

Ca to i un ca Ocja cár domi, göhtjo cor pöjö drí uni. Ca to i ttun car bbefi pa drí mandadobi cu pé dda hermano, i nesta da bädi ja ncja drí nú, cja ja ncja drí nzofo. Guejti car hermano ca i föx cu döhtji, da dyøte göhtjo cor pöjö.

Deberes de la vida cristiana

9 Gui mädiju yu pé ddaa yu i eme, göhtjo mbo ir mayju. Gui jiejmu cu cosa rá nttzo, cja gui ungui ir mayju gui dyøtiju cu rá zö.

10 Gui neju cu pé dda hermano ncjahmu mero ir hñohuiju, como hnaadi ca guí emeju. Gui nzojmu rá zö, cja gui respetaju. Jin gui tähmi guer hñohui da hñizquigueε, pe guehqueε gui hñihtzibi quer hñohui.

11 Gui pejpiju cam Tzi Jmujuu göhtjo mbo ir mayju, como ngu gri mädiju. Gui mpäguiju, jin gui ndajnitjoju.

12 Gui mpöjmu göhtjo ur tiempo, porque nuya dí padiju, gu ma grí hmäpju ca Ocjau. Gui tzejtiju bbu i tocaquiju gui sufriju. Jin gui jiejmu ca guír nzojmu ca Ocjau.

13 Gui föxju cu pé ddáa hermano cu i ten car Jesucristo, bbu te i nestaju. Gui ccähtiju rá zö cu hermano cu to i tzäti pu jer nguju.

14 Dyöjpi ca Ocjau da möx cu to te i cjahqui. Gui dyöjpi da nú co ni cár tzi ttijuqui. Jin gui ma gui tzan-cu.

15 Jin gui jønquitsjegueε gui mbäni ja grí hmäy rá zö. Bbu i mpöh quer mäingä-cjahnihui, gui mpöjö, hnejeε. Guejto, bbu i ungui ur däumäy, gui juijuqui cja gui jñuhtibi ur may.

16 Gui hmäpju rá zö cu pé ddaa. Jin to da hñixtsjε. Jin gui ma gui mbäni guehqueε guí ndo padi. Jin gui

despreciabi car cjahni ca jin tza i ja, o jin tza xcá nxödi. Gui mädi cja gui fótzi.

¹⁷ Bbu to i øjtiqui ca rá nttzo, jin gui cohtzibi. Gui mbëni ja grí dyøhtibi ca rá zö, pa göhtjo cü cjahni cü i ccajti qui da badi, rá zö gri ten ca Ocja.

¹⁸ Gui dyöjpi ca Ocja da möxqui, pa drá zö guír hmëbi quir hñohui, cja co hnëh cü pé dda cjahni, sánta jin da nigui jueni o tujni.

¹⁹ um tzi hñohui quiyu, jin gui cohtzibiju ca to te di cjahqui ju. Bbu di bbuh hnار cjahni ca ndejma da dyøjtiqui jueni o te pé hnار cosa rá nttzo, jin gui ntøxtihui. Gui tøhmi ca Ocja da un ca rí ntzöhi. Porque i ma guegue pa jár palabra: “Guejcö i tocagui gu castiga yu to i öti ca rá nttzo. Guejquigö xtá cohtzibi ca xí dyøjtiqui.” Ncjanu ga xijqui ju ca Ocja.

²⁰ Guejto i man cár palabra ca Ocja, ina: “Bbu i tuntju quer contra, gui uni ca te da zi. Bbu i tutje, gui uni tzu ur deje.” Bbu gui dyøte ncjanu, pé ntoja xta mben ca xí cjahqui, cja da mehtzi ur tzö.

²¹ Bbu gui cohtzibi hnار cjahni ca rá nttzo ca xí dyøjtiqui, hnëhquiguë guí øtigue ca rá nttzo hneje. Ncjahmu xí ndähqui ca rá nttzo, bbu. Lugar digue gui cohtzibi ca rá nttzo, gui dyøhtibi ca rá zö. Da ncjapu grí tajpi quí nttzomfeni.

Deberes a las autoridades civiles

13

¹ Nuquej, xcú hñemej car Jesucristo, gui dyøjtiju ca da bbepi quiyu cü to i pehtzi í cargo, cja gui hñihtzibiju. Porque ca Ocja xí hñitzi göhtjo cü

autoridad cu i pehtzi quí cargo. Guegue xí maq, da hmay cu cjahni cu da mandadoguiju hua jar jöy.

² Ca to da zan cu autoridad o da ntøxtihui, ncjahmu i ntøxtihui ca Ocja hneje. Guejtjo, bbu gui tøx cu autoridad, da ttahqui hner castigo.

³ Bbu guí øti ca rá zö, jin guí nesta gui tzu da ncastigaqui. Gue cu cjahni cu i øti ca rá nttzo, i castiga nar autoridad. Bbu jin guí ne da ncastigaqui, i nesta gui hmay rá zö; nubbu, jin gui ntzu bbu. Bbu gui hmay rá zö, gui mpøjmi car autoridad, cja jin te da cjahqui.

⁴ Gui mbeníju, ca Ocja xí un yu autoridad quí cargoju pa gu hmapju rá zö hua jar jöy, gu mijtiju. Pe bbu gui contrabi car ley, rí ntzöhui gui tzu, bbu, porque ca hnáa ca i mandado, i pehtzi úr ttzedi da castigaqui. Ncjahmu xí ngo úr lugar ca Ocja pa da mandado hua jar jöy, cja pa da castiga yu cjahni yu jin guí ne da dyøti ca rá zö.

⁵ Eso, i nesta gu øjtiju yu autoridad pa jin da ddajquiju tema castigo, cja guejtjo porque dí padiju, xpá hñeh ca Ocja cár cargo ca i pehtziju. Bbu gu øjtiju-cu, jin da nesta te gu mbeníju.

⁶ Ncjadipu hneje, i nesta gu cjutiju cu contribución pa drí sostene car gobierno, como ca Ocja xí hñix cu autoridad pa da nuguiju cja da mandadoguiju pa gu hmapju rá zö.

⁷ Gui cjutiju góhtjo ca te guí tuju. Ca to guí tujpiju contribución, gui cjuhtiju-ca. Hneje ca to guí tujpiju impuesto, gui cjuhtiju-ca hneje. Guejti cu autoridad cu i mandadoquiju, i nesta gui hñihtzibiju cja gui dyøjtiju.

⁸ Jin to gui tuhtzibiju tjöy. Gui cohtzibiju cár domi cu to di jmihquiju. I nesta góhtjo úr tiempo gu nýju

rá zö cám hñohuijü. Car cjahni ca i māh cár hñohui, i zøjte göhtjo ca i mām pü jar ley.

⁹ I bbuh ca hnar mandamiento ca i xijquijü: “Gu nejü cám hñohuijü ncja ngü dar netsjejü.” Bbuh gu øtijü ncja ngü ga mān car mandamiento-cá, jin gu tzöjü drá ntji pa gu øtijü ca i mān cu pé dda mandamiento hneje. I bbuh cu ddáa cu i mā ncjahua: “Jin da yohti bbejñä car hñøjø, cja car bbejñä jin da yohti dame. Jin gui pøhtite. Jin gui mpe. Jin to gui ñajquibi bbetjri. Jin gui neciobi tema cosa ca jí ir mejtigue.”

¹⁰ Ca to i māh cár hñohui, jin gui øhtibi ca rá nttzo. Eso, ca to i ne cár mïngä-cjahnihui, i zøjte göhtjo ca i mān car ley.

¹¹ Gui mbeníjü göhtjo yü palabra yü xtú xihquijü, Guejto gui mbeníjü ja ncja nár tiempo ná dí bbüpju. Ya xí nzuh car hora pa gui tzöjü cja gui ntzohmijü ja ncja grí hmüpju. Ya jin gui hmüpju ncja ngü nguír hmüpju bbuh cja ngui fudi nguí emejü. Gu mbeníjü, ya xta nígui car pa bbuh xtú eh cam Tzi Jmuju. Nubbá, cja xtá nugójü ca dí tøhmijü.

¹² Ya xní tjoj nár xuy, ya xní ma da nígui. Ya xní ntzöhui gu jeguijü cu cosa rá nttzo cu ndí øtijü bbuh ndí bbüpju jar bbeexuy. Nuya, gu hmüpju jár tzi jiahtzi ca Ocja. Gu mfödijü ncja ngü hnar sundado ca i ntujnihui cár contra, cja i mföjtse pa jin da hnäpi.

¹³ Gu hñojü rá zö, pa da nígui, dí bbüpju jar jiahtzi. Jin gu dé gu tzöjü mbaxcjua, cja jin gu ntijü. Jin gu jñeguijü da daguijü nttzomfeni, cja jin gu øtijü hmëtzö. Guejto, jin gu huenijü cja jin gu huíhtzijü cám mïngä-cjahnijü.

14 Eso, dí nzohquiju ya, pa gui jíejmu göhtjo cu cosa rá nttzo cu nguí ñtiju máhmeto. Bbu ba eh quir mfeniju rá nttzo, ncjá cu mí equiju máhmeto, jin gui cjajpiju ncaso. Gui nxödiju gui hmapju car ddadyo hmay ca xí ddajquiju car Jesucristo.

No critiques a tu hermano

14

1 Bbu di bbuh hnar cjahni ca i eme car evangelio, pe jí bbe i nzeh ca rí hñeme, gui recibiju gá hermano. Pe bbu i bbuy tengu asunto pu jabu hnahno ga mbeni guegue, hnahno gri mbengueju, jin gui dé gui mbömbihui palabra.

2 I bbuj nar hermano nu i mbeni da jogui gu tziju göhtjo tema jñuni ca dí neju. Cja pé i bbuh car tzi hermano ca i yomfeni, ga ma, jin gui tzö gu tzaju ngø, certa xtrú jñahtibi tema ídolo, eso, jin gui ne da zi jñuni gá ngø.

3 Car hermano ca i tza ngø, jin da xifi ur dondo ca hnáa ca jin gui ne da za. Guejti ca hnáa ca jin gui tzi jñuni gá ngø, jin da zohmi car hermano ca i tzi göhtjo tema jñuni. Jí rí ntzöhui gu tzohmigöju car cjahni ca xí recibi ca Ocja, como guegue-ca i nu rá zö.

4 Nuquigues, jin guí pehtzi derecho gui jñampi ur huenda cár mefi quer vecino. Bbu jin gui tzö ca xí dyote, ya xi ár huenda cár jmu. Guegue-ca da nzofo. Guejtjo bbu xí dyoti ca rá zö, guejti-ca, ár huenda cár jmu. Bbu guí ne gui tzohmi quer hñohui, como guí ina, jin gui tzö ca i ñote, gui mbentjo, bí pah ca Ocja te rá nguehcu ga dyote ncjapu. Guejtjo i padi ja ncja da möx car cjahni-ca pa da hmay rá zö cja da zedi drí hñeme.

5 Nuya, pé hnar ejemplo gu ddahquiju ya. I bbuh cu ddaa cu i ma, más rá nttzujpi ca hnar pá nin drá ngue ca pé hnaa. Cja pé i bbuh cu ddaa, i majmu, ddaguutjo göhtjo yu pa. Cada hnaagöju, gu ntzohmju ter beh cqdí mbeniju digue yu pá, cja gu ótiju ca rá zö, como ngu xtá mbeniju.

6 Ca to i tzujpi ca hnar pa, i embi pa da mben ca Ocja car pa-cq. Guejti car hermano ca jin tema pa i tzujpi, i óte ncjapu, porque ga ma guegue göhtjo yu pá i jñejtjo ga mben ca Ocja. Car hermano ca i tzi göhtjo tema jñuni, bbu i tza ngø, ndejma i jhtzibi ca Ocja, como guehcq i öjpi mpöjcje ante que da zi. Guejti car hermano ca jin gui ne da za ngø, i jeh-ca, pa más da ttihtzibi ca Ocja, cja guejti guegue i öjpi mpöjcje ca Ocja digue ca da zi.

7 Nugöju, como ngu xtá emeju car Cristo, ya jin dí bbujtsjeju, cja jin gu tutsjeju, hneje, como guegue i mandadoguiju göhtjo ur tiempo.

8 Menta dí bbupju, dí joniju ja grá tzopiju ca Ocja, cja bbu xtá tuju, gue ca Ocja da guxquiju hua jar mundo. Masque gri bbujtiju o bbu ya xcrú tuju, í mejtiguiju guegue.

9 Cam Tzi Jmuju Jesucristo bi du, cja pé bi jñu ár jñu, pa bi cjagui í mejtiguiju göhtjo ur tiempo. Nuya, í mejtiguiju göhtjo cu cjeya gu hmopju hua jar jöy. Guejto bbu ya xcrú tuju, guegue da mandadoguiju pu jabu xcrá möjö.

10 Por eso, dí xihquiju, jin gui tzohmi guer hñohui masque hnahnó gri mbengue, hnahnó ga mbeni guegue, cja jin gui despreciabi. Gu mbeniju, dí göhtjoju, gu ma hmopju delante car Danzöya, cja guegue-cq da jñanquiju ur huenda.

¹¹ Nubbu, xta ncjá ncja ngu ga man ca Ocja pu jár palabra, i ina:

Nugö, dí bbuy göhtjo ur tiempo, cja ntjumuy da ncja ca dí ma,

Göhtjo cu cjahni du ejmu, da ndandiñajmu pu jam hua, cja göhtjo da xijquiju: “Guehqui^gue, gú Ocja-gue, dí izquije.”

¹² Nubbu, cada hnaaguiju gu döjtiju ur huenda ca Ocja, gu xijmu guegue göhtjo ca xtú otiju.

No hagas tropezar a tu hermano

¹³ Eso, dí xihquiju, ya jin gu tzohmiju cam mingq-hermanoju. Mejor gu ntzohmitsjeju nam vidaju, cada hnaaguiju, pa jin to gu øhtibiju estorbo.

¹⁴ Nugö, dí padi por digue cár tzi pöjötjo xí salvagui cam Tzi Jmuju Jesús, cja por rá nguehca, i núgui rá zö car Tzi Ta jitzi. Eso, dí padi, jin te i ccahtzi ca Ocja digue yu dí tziju, como jin gui ccahti rá nttzo tema alimento. Nu car hermano ca i ina, i bbuh cu dda alimento cu i ccax ca Ocja, bbu da zi guegue cu jñuni-cu, da ndujpite.

¹⁵ Nuquigue, masque guí mangue hneje, jin te i ccaxquiju ca Ocja, bbu gui yoymi hnar hermano ca i ma, jin gui tjeguiju gu tziju cu dda jñuni, nuquigue, gui jieh-cu hneje, pa jin gui cjajpi da ungu ur dumuy o da jieh cár hñu ca Ocja. Bbu gui tzitjo, masque guí padi, i øhtibi estorbo ca hnaa, ncjahmu guí despreciabi car hñohui-cu. Gui ntzohmi, jin tza te i muhui hnar jñuni, hnixjmaja, car Cristo bi du por rá ngue quer hñohui.

¹⁶ Pé ntoja guí ina, dí pehtziju derecho gu tziju ca te dí neju. Ciento, guí pehtzi derecho, pe i nesta gui

mb̄eni, puede da ccajtiqui quer hñohui, eso, gui jña
ur huenda pa jin gui xöjpi da dyøti ca jin gui tzö.

17 Díndo bb̄pju rá zö ca ya xtá cuatiju jár dye car Jesucristo. Pe jin gui gue ca dí tziju da pöjpigui ym
tzi myju. Nu ca i ddajquiju car pöjö, guehca dár
yojmu car Tzí Espíritu Santo, cja nucá i föxquiju pa
gu øhtibiju ca rá zö cm hñohuiju, cja gu hm̄pju ca
Ocja.

18 Car hermano ca i mb̄eni ja ncja da möx cár
hñohui cja jin gui ndumy digue cu cosa
cu jin gui importa, guegue i pejpi car Cristo cja i
tzøpi car Tzi Ta jitzi. Guejtji cu pé dda cjahni cu i
ccahtibi cár vida, da badiju, rá zö ga nden ca Ocja
car hermano-ca.

19 Ncjá ya, gui jioniju car manera ja grí hm̄pju
pa jin tema estorbo gui dyøhtibiju quir hñohuiju.
Gui hm̄pju-cu pa gui föxju da zedi drí den car
Jesucristo.

20 Bbu gui tziju hnar jñuni ca i man cu dda
hermano, jin gui tzö da ttzi, certa gui dyøhtibiju
estorbo car tzi cjahni ca cja i fudi i eme nar evan-
gelio. Ciento, i jeguiju ca Ocja gu tziju ca te dí
neju. Pe bbu gui øhtibi estorbo quer hermano pa
da jieh ca rí den nar hñu ca Ocja, nubbu, guí tu quer
nttzojqui, bbu.

21 Mejor jin gu tzaju ngø, jin gu tziju vino, cja
jin tema cosa gu øtiju ca di dyøhtibi estorbo hnar
hermano, o di xöjpi di dyøti hnar cosa rá nttzo, cja
ya jin di den cár hñu ca Ocja.

22 Nuquigue, bbu guí pädi, ca Ocja ya xí bendeci
car jñuni ca guí tzi, jin guí nesta gui pöti quer
mfeni. Bí janti ca Ocja ja ncja dar mbeniju mbo

um tzi mayju. Pe guejtjo jin gui nesta gui tapi cár voluntad quer hñohui, pa da dyóte ncja ngu gri dyótigue. Bbu jin gui yomfeni digue ca guí òte, guí bbuy rá zö, bbu.

²³ Pe bbu guí yomfeni, ¿cja da jogui gui tzi car cosa ca i jñajtiqui? mejor jin gui tzi, pa gui padi mbo ir may, i tzøh ca Ocja ca guí òte. Porque bbu guí yomfenitjo, cja ndejma gui tzi, guí ndujpite, bbu, como guí ma mbo ir may, jin gui tzö ca guí òte, cja ndejma guí òtitjo.

Agrada a tu prójimo, no a ti mismo

15

¹ Nugoju, como ngu xtá zedi xtá emeju cár palabra ca Ocja, ya jin gui tzö gu hmajtsjeju. Gu mbeniju ja ncja gár hmapju pa gu föxju cu ddaa cu cja i fudi i emeju.

² Cada hnaagöju, gu mbeniju ja gár hmapju pa da tzøh cum hñohuiju, santu da zeh ca drí hñemeju.

³ Guejti car Jesucristo, cam Tzi Jmuju, jin guá mbentsje ja drí hmajtsje rá zö. Guegue bi zejti göhtjo ca bi ncajapi, pa bi tzøpi cár Tzi Ta jitzi. Bbu mí sufri car Jesús, bi zuh ca i mampu jár palabra ca Ocja, inq: “Nuque, um Tzi Taqui, cu cjahni cu i uqui, xí ndo nzanguigö.”

⁴ I jux pu jár palabra ca Ocja ter beh cu bi ncja cu cjeya cu xí tjogui. I xijquiju ja bi ncja ca Ocja gá möx cu cjahni cu mí teni. Göhtjo cu i tjux pu jar Escritura i sirveguiju pa grá padiju, guejquitjogöju, ca Ocja da möxquiju pa gu tzøjtiju ca te dí nesta gu sufriju, cja pa jin gu jejmu ca dár emeju car

Jesucristo. Eso, bbu dí mbeniju ca i mam pu jár palabra ca Ocja, dí tóhmiju gu núju ca xí prometeguiju guegue.

5 Hnehquigueju cam Tzi Taju jitzi da möxquigueju hneje pa gui tzejtiju ca te gui tojmu cja jin gui jiejmu ca guí hnemeju. Guejtjo da möxquiju co ni cár tzi ttijqui pa gui hmepju cor pöjö, como hnaadi cam Tzi Jmuju guí yojmu, gue car Jesucristo.

6 Da ncjanpu grí nxödiju gui mfoxiju, jin gui hueniju cja jin gui wegueju. Nubbá, dí göhtjoju gu ihtzibiju cam Tzi Taju jitzi, yojmi cár Tzi Tu, gue cam Tzi Jmuju Jesucristo, por rá nguehca guí hmepju rá zö.

El evangelio anunciado a los que no son judíos

7 Gui nccahtitsjeju rá zö, hna ngu hnaa, como ngu car Cristo bi ccajtiguiju co ni cár tzi jmajte, bbu ndú cuatiju guegue. Da ncjanpu drí ttijhtzibi cam Tzi Taju jitzi.

8 Gui mbeniju nar palabra naq dí xihquiju, car Jesucristo bú ecua jar joy ncja hnar mefi, hné di möx cu judio cja co hneh cu cjahni cu jin gui judio. Bú ejé bi cumpli cu promesa cu xquí tsjh cu ndom titaje ya má yabbu, cja pa di un car salvación yu judio. Bi ncjanpu gá nigui, i cumpli ca Ocja göhtjo ca i ma.

9 Guejti cu cjahnitjo cu jin gui judio, bi tsijjmu di jogui di guati ca Ocja por guegue car Jesucristo, pa di dötiju car nzajqui ca jin da tjegue. Ncjanu gá nzuh ca hnar palabra ca i jux pu jar Escritura, pu jabu i ma, guejti cu cjahni cu jin gui judio da núju cár tzi ttijqui ca Ocja cja da xöjtibiju. I inq:

Nugö, xtá ma pu jabu i bbuh cu hnahño cjahni cu
jin gui meyaqui,

Xtá mpejníje-cu pa gu xöjtiquije, dí göhtjoje.

¹⁰ Cja guejti ca hnanguadi i ma:

Gui mpöjqueju, guí cjahnitjoju, cja gui mpejniju co
ni quí cjahni ca Ocja.

¹¹ Guejto pé i ma pé hnar parte:

Nuqueju, guí cjahnitjoju, gui xöjtibiju ca Ocja,

Göhtjo yu cjahni hua jar jöy da majmu, te tza rá zö
cam Tzi Jmuu.

¹² Cja guejti car profeta Isaías i ma ncjadipu, i ina:

Da hmuh ca hnar cjahni ca drí hñeje digue cár cji
car Isaí,

Du eje pa da mandadobi cu cjahni cu jin gui judio,

Cja göhtjo yu cjahni hua jar jöy da guati pa da
ccah*tiju*, ja drí möxju guegue-cau.

¹³ Cam Tzi Taju jitzi i un ca rá zö göhtjo cu to i
tøhmi. Dí öjpi da möxquiju pa gui segue guí hñemeju
car Jesucristo, gui hmupju rá zö quir hñohuiju, cja
gui mpöjmu, göhtjo mbo ir muyju. Como guí yojmu
car Tzi Espíritu Santo, guejti guegue da möxquiju
pa gui pudiju, cierto rá ndo zö ca da ddahquiju ca
Ocja.

¹⁴ Nuqueju, um cjuaduquiju, dí pudi, guí jogui
cjahniju, cja guí puhtziju mfeni, eso, guí pudi gui
nzojtsju pa gui segue guí teniju nár hñu ca Ocja.

¹⁵ Pe ndejmu xtú tzö um muy, xtú juxcua tengu
palabra gá consejo, pa gu mbumbiquiju, masque
pé ntoja ya xquí pudiju yu xtú xihquiju hua.
Porque gue nám bbeñi-ná xí ddajqui ca Ocja, ca dár
nzoh cu cjahni cu jin gui judio.

16 Dí xijmu nar tzi ddadyo jña digue car Jesucristo. Ncjapu dí pejpi guegue-ca, dí xihquiju ja ncja gui tötiju car nzajqui ca jin da tjegue, porque dí ne gu presentabi cam Tzi Taju pu jitzi rá ngu cu cjahni cu jin gui judio cu xtrú hñemébi cár Tzi Ttu. Göhtjo-cu da yojmu car Espíritu Santo, cja ya xta hmuy limpio quí tzi muyju. Dí tzö um muy, da pöjpi cam Tzi Taju jitzi cu cjahni-cu. Da jñejmu hnar ofrenda drá tzi zö.

17 Nugö, dí pehtzi te gár mpöjö, gue nam bbefi na xí ddajqui cam Tzi Jmuju Jesús. Guegue bi hñíxquigö pa gu pejpi ca Ocja.

18 Jin dí ñagö digue tema cosa ca xcrú øtitsjegö, jøntsje ca dár pejpi car Jesucristo, cja guegue xí cjajpi xí joj nam bbefi. Eso, rá ngu cu cjahni cu jin gui judio xí hñemé nár palabra ca Ocja. Xtú nzojcö gá palabra, cja guejtjo co ni ca dí øte, xtú ujti-cu ja i ncja cár hñu ca Ocja.

19 Como dí yobbe car Espíritu Santo, guegue xí möxqui xtú øte rá ngu clase milagro. Dú fudi du tangui nar evangelio pu Jerusalén. Guejtjo du ma du tjogui rá ngu jñini, hasta du tzøti jar lugar ca i tsjifi Ilírico. Göhtjo cu lugar pu jabu xtú hño, dá tangui nar evangelio, dá nzofo göhtjo cu cjahni cu mí bbeh pu.

20 Como dí ungui um muy gu má nar tzi ddadyo jña digue car Jesucristo pu jabu jí bbe i fadi, dí segue dí dyo pu jabu jin to bbe i tzøte pa da xih cu cjahni. Jin dí ne gu peh pu jabu ya xí ñuti pé hnar cjahni cja ya xí fuji car bbefi, pa jin to da hñina dí huíhtzibi cár bbefi.

21 Dí ne gu pejpi ca Ocja pu jabu jí bbe i ttzoh cu cjahni, pa ncjapu da ncumpli nar tzi palabra ná i

jux pu jar Escritura. I ina:
 Da dyøh cu cjahni cu jí bbe i ttzofo, da tsijmu digue
 ca hnáa ca du pejni ca Ocja.
 Cu hnahno cjahni cu jí bbe i tsjifi ja i ncja guegue,
 da bädi rá zö.

Pablo piensa ir a Roma

22 Guehcä xtá dé, xtá hñogö, xtá nzoh cu cjahni,
 eso, jin tema tiempo xtú pehtzi gua ma grí
 ccajtiquiju, masque ya xí cja tiempo xtú mbëni gu
 ma pu.

23 Pe nuya, ya xtú cjuajti nám bbëfi hua jabu
 dí bbëy. Dí ingö, ya xí nzëh car tiempo gu ma
 pu jar ciudad pu Roma, como ya má yabbu xtá
 mbëngö-cá.

24 Nuya, dí mbëni gu má grí ccajtiquiju bbu xcrá
 ma pu España, cä bbu xtá tzëti pu jabu gár bbëpju,
 gu hmëpju tzu. Diguebbu ya, bbu xtá pëngö pu, da
 jogui gui föxquiju tzu co hnar ayuda pa gu ma gár
 ma pu España.

25 Pe nuya, gu má pu Jerusalén, gu jahtzibi hnar
 ayuda cu hermano cu rá bbëh pu.

26 Nu cu hermano cu rá bbëh pu Macedonia
 cä co pu Acaya, ya xí mbëniju da möx cu dda
 hermano cu bí bbëh pu Jerusalén. Xí jmëntzibiju
 hnar ofrenda, porque nucu, rá pehtzi necesidad.

27 Guegueju co cár tzi pöjöju xí mbëntsjeju da
 möxju cu hermano-cu. Ciento, cu hermano cu jin
 gui judio, ncjahmu i tujpi hnar favor cu hermano
 cu judio, como mûr judio cam Tzi Jmuë Jesucristo,
 cä xcuí bëm pu jáy cu judio när tzi ddadyo
 jñä. Cu hermano cu jin gui judio xí nuju rá ngü
 bendición por rá ngue nár palabra ca Ocja, eso

xí mbentsjeju, rí ntzöhui da möxju ca hermano israelita, como guegue-ca i pehtzi necesidad ya pa-ya.

²⁸ Eso, bba ya xcrú döjtigö car ofrenda ca cjuada pa Jerusalén, dí ne gu ma pa España, gu ma grí tjoh pa jaba gár bbapju, gu ma grí zenguaquija cja diguebba ya, gu ma pa España.

²⁹ Dí padi, bba xtá tzóti pa jaba guí bbapju, gu mpöjma, dí göhtjoju, cja cam Tzi Jmuj Jesucristo da ddajquija rá ngu bendición.

³⁰ Nuya, um cjuadaquija, dí öjquija gui nzojma tza ca Ocja por rá nguejquigö, como hnaadi cam Tzi Jmuj Jesucristo xtú cuatija, guejtjo hnaadi car Espíritu Santo i föxquija pa gu majtsjeju. Jin gui jiejma ca grí oraguija, menta dí øhtibi cár bbefi ca Ocja.

³¹ Gui dyöjpaija tza da mezquigö rá zö, pa jin te da cjagui ca cjahni pa Judea ca i uhui car evangelio. Guejtjo gui dyöjpaija por rá ngue ca hermano pa Jerusalén, pa da tzøjma car ayuda ca gu jahtzibija.

³² Bba da bøni rá zö nur asunto-na, nubba, da jñu um may. Cja diguebba ya, pé gui dyöjpaija cam Tzi Taja, da zixqui rá zö pa jaba guí bbapju, pa gu nccahtija tza cja gu mpöjma.

³³ Ca Ocja da möxquija pa gui hmapju rá zö, guí göhtjoju. Amén.

Saludos personales

16

¹ Nuya dí xihquija, gui recibija rá zö car hermana Febe. Ya xta ma pa jaba guí bbapju. Guegue i pe jar templo pa jar jñini Cencrea.

² Gui cuajtiju, cja^u gui ccahtiju rá zö, como nuqueju, xcú hñemeju car Jesucristo, cja^u guegue i pejpi-cá. Gui föxiju cja^u gui uniju ca te da nesta, porque guegue xí ndo möx cu pé dda hermano, guejtigö, xí möxqui hneje.

³ Dí pemp*i* nzengua car Priscila hneje car Aquila. Ndí yojme-cu, ndí mföxeju ndí pejpije cam Tzi Jmuju Jesucristo.

⁴ Bbu di jinu gueguehui, ya xtrú bböjtigui. Dí ndo öjpi cjamädi ca Ocju por rá nguehcu, cja^u jin^u gui jønguitsjegö dí gradece. Guejtjo hneje göhtjo cu hermano cu jin^u gui judio i öjpi mpöjcu hneje, como guejcö xtú xijmu car evangelio.

⁵ Guejtjo dí pemp*i* nzengua hneje cu hermano cu jmuntziju pu jár ngu car Priscila co car Aquila. Guejtjo gui xih cam tzi amigo Epeneto, dí pemp*i* nzengua. Nuca mûr primero cu mingu pu jar Estado de Asia cu bi hñemu car evangelio cja^u bi den car Jesucristo.

⁶ Guejtjo, gui zenguaju tzu car María, guegue-ca xí ndo pejpi ca Ocju pu jabu guí bbüpu.

⁷ Hñeti car Andrónico co car Junias, um minguje, dí pemp*i* nzengua hneje. Nugöje, bi cjoquije födi-cu. Quí apóstole cam Tzi Jmugöju i meya cu hermano-cá cja^u i ihtzibiju. Gueguehui bi hñemu car Cristo ante que gua emegö.

⁸ Guejtjo hneje, gui zenguaju tzu car hermano Amplias. Dí ndo ne car hermano-cá.

⁹ Guejti car Urbano, ca ndí hñobbe, ndí pejpibbe car tzi Jesucristo, cja^u hneh car Estaquis, um amigo-ca.

¹⁰ Dí xihquiju hneje, gui zenguaju tzu car Apeles,

ca i ndo tēn car Cristo. Guejtjo gui zenguaju quí familia car Aristóbulo.

¹¹ Hnēti cam minguje, car Herodión, cja co quí familia car Narciso cū i tēn cam Tzi Jmuju Jesucristo, gui zenguaju-cū hneje.

¹² Zenguaju car Trifena co car Trifosa. Guegue-cū i pejpi cam Tzi Jmuju, cja co hneh car tzi hermana Pérsida, como guejti guegue xí ndo pejpi cam Tzi Jmuju.

¹³ Hnēti car Rufo gui zenguaju, como i ndo eme car Jesucristo cja i pejpi rá zō, cja gui zenguaju hneje cár me, como ncjahmū um megö-ca hneje.

¹⁴ Guejto dí xihquitjoju gui zenguaju tzū car Asíncrito, co car Flegonte, hneh car Hermas, guejti car Patrobas co ni car Hermes, cja co cū pé dda cjuadā cū i bbabi-cū.

¹⁵ Guejto gui zenguaju tzū car Filólogo, cja co car Julia, guejti car Nereo co cár ncju, cja guejti car Olimpas, co göhtjo cū pé ddaa cū i eme ca Ocja cja i bbabi cū hermano-cú.

¹⁶ Guí göhtjoju gui nzenguaju cor ttijqui. Göhtjo cū hermano cū xí hñeme car Jesucristo cja rá bbū hnahño jñini, göhtjo pū jabū rá bbū templo, i penquiju nzengua.

¹⁷ Dí xihquiju, um cjuadäquiju, gui jñaju ur huenda digue cū cjahni cū i ne da juequiju o i ne da dyøjtiquiju estorbo. I xihquiju pé hnahño ur mensaje ca jin gui jñejmi car palabra rá zō ca xí ttujipliquiju. Nugueju, jin gui jñeguiju da jiöhquiju-cū.

¹⁸ Cū cjahni cū i øte ncjapū, jin gui pejpi cam Tzi Jmuju Jesucristo, cja jí xcuá hñejmū guegue. I øti ca i mbentsjeju. I majmū palabra ncjahmū rá ndo zō, pa da johtitjo cū to i øde, cja pa drí jiöti cū cjahni

cu jin tza i paj nár hñu ca Ocja.

19 Dí mpöjcö ca xtá øde, guí tendij car palabra ca ntjumay. Cja dí negö, gui segue guí hmapj listo pa gui dytij ca rá zö, pe jin gui cjadi mayj cu to i ne da ujtiquiju gui dytij ca rá nttzo.

20 Dyo guí øjtiju cu cjahni cu i ne da juaquiqui quir mfeniju. Cam Tzi Taju jitzi xí möxquiju pa xcú tötiju ca rá zö, cja da segue da möxquiju pa jin to da jiöhquiju, pe gui tapiju ca Jin Gui Jo. Guejti cam Tzi Jmuj Jesucristo da möxquiju co ni cár tzi ttijqui pa gui hmapj rá zö.

21 I zenguaquiju nar Timoteo, nu dí yobbe jar bbefi, hnej nar Lucio, hnej nar Jasón, co nar Sosípater. Nuyu, um minguje-yu.

22 Nugö, dûr Tercio, xtú øhtibi nar Pablo nar carta-na. Dí zenguaquiju gá hermano, como hnequigö dí eme car Jesucristo.

23 Hnej nar Gayo i zenguaquiju. Dí oh pár ngu guegue-nu. Guejto hne, xí jmijquiye cár ngu pa dár jmuntzije pu. Guejto i zenguaquiju nar Erasto. Guegue-nu úr tesorero nar jñini hua jabu dí bbapj. Guejti nar hermano Cuarto i zenguaquiju.

24 Cam Tzi Jmuj Jesucristo da nuquij co cár tzi jmajte, göhtjoquiguej. Amén.

Alabanza final

25 Gu xöjtibiju ca Ocja. Desde bbu mí maj nar mundo, ya xquí mben car Tzi Ta jitzi di mejni cár Tzi Ttu di ddajquiju car nzajqui ca jin da tjegue. Cu cjeya rá ngu cu xí tjogui, jí mí fah car mfeni-cä. Ddatsjë ca Ocja mí pádi. Guegue da möxquiju pa gui hñemebij cár palabra göhtjo mbo ir mayj.

26 Mähmeto bi tsjih cu dda qui jmandadero ca Ocja ter beh ca di ncja, cja nucá, bi jñux pu ja Escritura, pe jin gá xijmu cu pé dda cjahni. Pe nuya, xí mandado ca Ocja xcá tsjifi göhtjo yu cjahni hua jar jöy nar tzi ddadyo jña, pa da dyødeju cja da hñemebiju cár Ttu.

27 Ddatsje ca Ocja i bbuy, cja rá ndo nte qui mfeni. Por rá ngue car Jesucristo cja co göhtjo ca xí dyøte, da tsjöjtibi car Tzi Ta jitzi göhtjo cu cjeya cu ba eje, ni jabu drí tjegue. Da ncjapu, amén.

I ttzedi hua nar carta-na.

**El Nuevo Testamento en otomí de San Felipe
Santiago, Edo. de México
New Testament in Otomi, Estado de México
(MX:ots:Otomí, Estado de México)**

copyright © 1975 Wycliffe Bible Translators, Inc.

Language: Otomí, Estado de México

Translation by: Wycliffe Bible Translators, Inc.

Otomí, Estado de México [ots], Mexico

Copyright Information

© 1975, Wycliffe Bible Translators, Inc.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Otomí, Estado de México

© 1975, Wycliffe Bible Translators, Inc.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 18 Apr 2025 from source files
dated 29 Jan 2022

6040233a-58b9-569e-8ff0-572968a2ee94